

宋

會

要

全唐文

宋會要

法

至和二年七月十九日龍圖閣直學士何中立言陝西
編救應蕃界青白鹽並犯禁者罪至死奏裁邊民犯者
甚衆聖恩寬恤減死刺配遠州軍在禁經時欲乞指定
刑名令逐處斷遣詔今後犯青白鹽人今本路安撫司
相度情理輕重斷遣內合該死罪者依朝廷自来貸命
刺面配沙門島如有大段兇惡郡黨即具案奏裁仍不
得下司 英宗治平元年四月江西提點刑獄專制置虔
汀漳州賊盜提舉虔州賣鹽蔡挺理轉運使資序以久
在江西方委以置鹽故也初江西仰食淮南轉般食鹽

凡有批異內之
字俱入注

捕一作鋪

涉歷道遠比至雅惡不可食而汀虔州人多盜販嶺南
私鹽數十百為群與巡捕吏卒相關格所至擾百姓捕
不能得至或赦其罪招之歲月既久浸淫滋多朝廷以
為患嘗遣使乘驛會江西廣東福建三路轉運使議行
嶺南鹽於虔汀兩州當是時挺方知南安軍具條奏利
害而三路轉運使等請以虔州十縣五等戶夏秋稅率
百錢則令糴鹽二斤從之而歲所糴饒六十萬斤至是
令挺制置挺令民首納私藏兵械以給巡捕吏卒而今
販黃魚籠挾鹽不及二十斤徒不及五人不以甲兵自
隨者止輸稅勿捕而朝廷又別團新綱選三班使臣直
取泰州如皋等諸場新鹽鑠枋漕之以給虔州鹽既差

善而又減糶價故私鹽稍不售虔州及興國等九縣兩
歲所糶鹽比故額增至二百九十九萬八千餘斤又汀
州異時人欲販鹽輒先伐鼓而山谷中召願從者與期
日率常得數十百人以上與俱行至是州縣督責耆保
有伐鼓者輒捕送盜販者由此稍衰息矣 神宗熙寧
元年四月二十五日詔自今應諸路管押鹽綱使臣軍
大將殿侍如年滿得替除依條賞罰外如一界內親自
搜捉得本綱兵稍搭載興販私鹽併計五千斤已上內
使臣免短使先次優便差遣軍大將殿侍先次指射差
遣三千斤已上使臣免短使軍大將殿侍本等內指射
差遣如般過官物合該得酬獎即留所獲私鹽勞績後

職官提奉
鹽重者以
點為記

次行使 二年三月十九日上問著作佐郎張端言推校
河北鹽事如何王安石對曰恐亦可為但未詳見本末
上曰理財節用自足以富如此事雖不為可也 七月
七日知河中府蔡延慶言乞下解鹽司相度據自來煎
煉私鹽地分置煎鹽戶煎煉歸官每斤依鄉原創支價
錢依解鹽出賣如敢私賣依私鹽法上曰此恐不可施
行然要詳盡利害且令陝西轉運使司制置解鹽司各
具相度以聞二十九日翰林學士司馬光言奉詔將三
司陝西轉運司見根磨到嘉祐八年至治平四年所收
鹽利及所入糧草再行審覆候見的數即對范祥任內
虧增并比嘉祐七年至嘉祐三年虧增奏聞至差權發

遣度支判官公事孫構權發遣戶部判官公事張諷呼
索照證帳案文字根磨實數比對虧增申監議所以憑
審覆聞奏今據孫構等狀陝西諸州軍例稱專典替罷
帳曆不完見行根究供報未得臣看詳國家設制置解
鹽一司置九折博務本為沿邊糧草進用薛向亦只以
饒知錢穀薛向前在陝西不止於制置解鹽亦兼本路
轉運使前後兩任首尾八年職司久任無如向者其陝
西一路糧草增虧皆是向之本職欲的知向在陝西有
功無功何不直下司取陝西糧草收支較比文狀勘會
薛向兩次到罷季分一路及沿邊九州軍見在糧草數
目若罷任增於到任即向在任有功若罷任虧於到任

即向在任無功灼然可知若糧草數虧其鹽課雖增有何所濟此皆事狀確實顯著不可欺罔者也何必更令臣等根磨向與范詳任內鹽利增虧況今已除向江淮兩浙等路制置發運使所有鹽利增虧雖磨勘得見亦何所用伏望省察此理令臣等更不將三司陝西轉運司見根磨到所有鹽利及所入糧草再行審覆比對范祥任內增虧免致邊民虛有煩擾光奏薛向初罷任糧草數比到任所虧極多而中書得向狀言自罷任糧草數增於到任時既而光奏前所上薛向糧草數乃三司吏人之誤已牒三司依理施行詔令呂公著吳充據二狀物數不同取索三司及薛向所執文字看詳定奪取

見諸實聞奏同日又詔令監議鹽法所更不取索慶歷
以來解鹽課利糴買沿邊糧草數目只將薛向界嘉祐
六年至治平三年終一併五年解鹽課利糴買到沿邊
糧草數目却與薛向未到任已前一併五年解鹽課利
糴買到沿邊糧草數目對行比較聞奏八月一日御史
中丞呂公著言昨奉詔與司馬光等監張靖薛向對論
陝西鹽法及根磨糧草虧增其鹽法利害已定奪申奏
所有糧草增虧緣公著已除御史中丞未審合與不合
管句詔依前降指揮九月七日制置三司條例司言據
淮南發運使薛向狀乞於永興軍置買賣鹽場欲差知
永興軍涇陽縣大理寺丞侯可往陝西路制置解鹽司

那
作
即

議經久利害從之十二月五日詔令陝西制置解鹽司
自熙寧二年三年各於糴買糧草錢外那撥十萬貫於
永興軍樁管充買鹽鈔本錢三年七月十四日詔江
南西路依舊每年運鹽一十二綱赴虔州仰提點刑獄
官與虔州知州提舉出賣其梢工出剩賣格并年限退
換新船亦並依編敕合破綱船兵夫分數即且依見行
條貫先是本路權提點刑獄張頴言前本路提刑蔡挺
兼提領鹽事經畫有功近日因循挺之所為十廢五六
故官鹽雜砂有滯貿易竊慮嶺南私鹽次入界手詔蔡
挺昨在東南處置鹽事最有顯効績狀可驗不惟課利
增盈實得盜賊屏息今無故改革致有如此不便或

使無賴嘯聚極非細事可詳頡奏速令諸事一切如舊
故有是命十一月二十二日詔陝西轉運司以西川四
路物帛內變轉見錢二十萬緡充制置解鹽司鈔場本
錢又詔陝西轉運選官與成都府路轉運司剋刷年計
外見在錢貨物帛并餘物盡數發至陝西轉運司變轉
充西鹽鈔場本錢外封樁以備邊費先是王安石言乞
移巴蜀物就與陝西封樁非獨省蜀人輸送且可以免
自京師支撥之費故有是詔四年正月二十四日詔
陝西已行交子其罷永興軍收買鹽鈔場二月十五日
中書門下言陝西制置解鹽司為都轉運司將延州在
城并自餘城寨權住入中鹽鈔只令客人於綏德城懷

寧寨兩處入中恐頓虧解鹽課額乞下本路於綏德懷
寧兩處優與加饒自不妨客人他處入中從之三月十
四日詔永興軍依舊收買鹽鈔罷行交子十九日詔罷
三司使副監議鹽法六月二十四日以權發遣淮南路
提點刑獄公事趙濟兩浙路權同提點刑獄公事王庭
老荆湖南北路權同提點刑獄公事毛抗李平一江南
東西路權同提點刑獄公事晏知止陳倩並兼提舉本
路鹽事仍比較逐年鹽課增虧以聞 五年正月二十
二日詔罷給京西路蠶鹽令民但止輸錢先是轉運使
陳知儉言京西九州軍歲給蠶鹽一百九十三萬有奇
為錢四萬八千二百五十緡然以鹽賦民為數奇零民

多不願請者欲乞止令輸錢又募商人入抵請射此鹽
增錢為五萬四千緡以便民其所免鹽合折價并脚
乘路費錢乞令制置解鹽司別封樁聽省司移用故有
是詔 六年二月二十八日詔兩浙路提舉鹽事司未
得劾諸州軍虧失鹽課且以課虧及違法重輕分三等
以聞十月十八日兩浙轉運鹽事司乞益兵千人詔發
開封府界京東兵各五百人時以鹽法未行盜販者衆
故也二十七日權三司使薛向請止絕秦鳳等路轉運
使蔡延慶置場減價出賣鹽鈔從之 七年正月二十
四日永興秦鳳等路察訪李承之言慶曆皇祐中秦州
以鹽鈔川交于令民變賣至今尚負錢萬餘緡乞特蠲

放以寬邊民從之三月二十三日梓叢路察訪熊本請
依廬州進士鮮于之邵議消并監鹽井止存兩竈官自
煎餘鹹水盡出賣從之四月十七日詔聞岷州闕糧草
少人入中其東南鹽鈔與今西鹽鈔法令三司具經久
通行利害二十六日詔買鹽及鹽倉場監官地分巡檢
聽不拘合入遠近奏舉從江淮發運司請也其使臣廢
短使者仍除重難綱運外餘並與免短使六月八日詔
自今應陝西賣鹽場見在鹽約支及二年即權停納十
一日熙河路經畧使王韶言本路有市易茶鹽酒稅可
以應辦置羅乞差官二人乘賤計置其草豆別乞差四
人專領並立數辦實格並乞鹽鈔三十萬候三年外

本司自辦從之七月五日詔開封府界民納鹽食鹽等錢折納糧有上三等如故餘並許納錢願輸本色者亦聽十一月十二日三司言相度秦鳳永興兩路鹽鈔歲以百八十萬緡為額從之八年閏四月十四日中書戶房比較陝西鹽鈔利害及定條約八事買鈔本錢有限出錢過多買不盡則鈔價減賤及高擡糴價支出實鹽前日西鹽是也故出鈔不可不立限一也出鈔雖有限入中商人或欲變轉而官不為買即為兼并所抑則鈔價亦不免賤兼邊境緩急即鈔亦有不得已須至多出故不可不置場平買二也和糴軍糧出於本路買鈔錢本出於朝廷所買鈔若賣盡即無所費不盡毀抹雖

已轉之邊上乃是朝廷分外資助本路經費其已毀鈔當於應副本路錢物內折除三也舊鈔因官失買致價賤已為商人中糧虧官即不妨市易司用市價買四也若止令市易司減價買而不置場以實價平之即一鈔為鹽一席所入糧止直其半即是暗損監價若官減價盡買固無所害緣官立買直商旅輒增之自難買盡近日買鈔是也官買其一私買其九則是所折鹽價商旅十取其九而官纔收其一也故不可以低價買鈔之故輒廢實價買鈔之法五也買鈔場既以實價買盡即他州軍緩急有減價賣所減亦不多前日東南鹽是也市易司雖買以市直所贏不多徒長虛擡之弊故新鈔不

須買六也舊鈔額酌中歲出百六十六萬緡今雖計一
歲賣鹽二百二十萬緡熙河自有鹽井用解鹽絕少鹽
禁雖嚴必不能頓增五六十萬緡恐所在積鹽數多未
可便為民間用鹽實數昨雖立定三百萬額緣分定逐
路及各有封樁數止於熙河費用未定兼今又有交子
即於賣鹽數外不須過立數目若所在渴鹽自可令
市易司買鈔場依商人例以鈔請鹽自賣雖不如此商
人亦必於官場買鈔即所在不至闕為私鹽所侵七也
西鈔失買致有虛捏之弊近官以賤價買民亦賤價買
今永興買鈔場若一槩收買乃是費用實錢買民賤價
蓄買之鈔所買新鈔却致闕錢當今截日收買兩路實

直至

賣鹽二百二十萬又增熙河一路止與百八十萬鈔即
自支費不足若兼支舊鈔即與出鈔何異然以加擡脚
費不如止以當月鈔數立額却置場賣鈔飛錢為便八
也今請永興秦鳳兩路共立二百二十萬緡為額永興
路八十一萬五千緡秦鳳路一百三十八萬五千緡內
熙河五十三萬七千緡選官監永興軍買鈔場歲支轉
運司折二銅錢十萬緡買西鹽鈔錢有餘封樁聽旨依
在京市易務賒請法募人賒鈔變易即民間鈔數稍多
所買鈔難變易大書不用字送解池對元納遞牒毀抹
於在京當應副逐路錢物數折除自今年五月十五日
以後鈔本場買十四日以前鈔聽市易司以市價買從

鹽一作鹽

之九月二十五日詔給未鹽鈔四萬緡為本仍以并作
監主簿梅宰同買十一月二十八日也田員外郎熊本
言乞將大寧鹽每年應副陝西并成都府鹽內權即撥
付夔州路新建軍審詔人入納糧儲從之 九年二月
六日詔御史臺取勘陝西額外利納解鹽錢一百九萬
八十餘貫應干違條官司具案以聞仍令三司止住額
外出鈔十七日三司市易司言同詳定到開封府界陽
武酸棗封丘考城東明白馬中牟陳留長垣祚城韋城
縣曹濮瀘懷濟單解州河中府等處州縣官場可以出
賣解鹽從之四月二十二日體量成都府等路茶場利
害劉佐言詢究得陝西客人興販解鹽入川買茶於陝

西作府

西州軍貨賣獲利厚今欲依客例逐年以鹽一十萬席
茶六萬馱為額約用本錢二百一萬貫文足此商賈取
酌中之利更不許客人興販入川陝路從之從_仍以佐提
舉成都府利州秦鳳熙河等路茶場公事兼熙河路市
易司二十八日中書門下言據三司狀為解鹽通商事
省司令客人張戡等洪拊乞將南京河陽等處且令官
賣自再行法日至將來及一年以解池支出官賣鹽席
比較勘會雖據張戡等稱管城等十一縣并南京河陽
陝西同華衛州自來客販數多並無照據蓋為見今來
私鹽泉息欲占為客販地分若令客販即難依新法招
募巡鋪公人不免私鹽侵奪官課欲乞將唐鄧襄均房

商蔡郢隨金晉絳號陳許汝穎隰州西京信陽軍二十
處令客人興販其府界諸縣并澶曹濮懷衛濟軍解同
華陝州河中府南京河陽等處令提舉解鹽司般鹽出
賣或逐處先有別司鹽貨在彼出賣未盡並令出賣解
鹽司支還元價惟是本路轉運司必以所收課利合應
副本路支用為說即乞候官賣一年令三司約度所收
管賣鹽錢立若干額令撥還本路自來合得課利餘令
三司隨處封樁詔從之七月二十五日知洋州文同奏
臣竊見本州買賣茶貨行之日久至今其間措置尚未
循理近又準朝旨盡行權鹽不許私商興販官自置場
出賣然則計其所得之息實為深厚要施行久遠使之

通流不能成弊者猶有餘議本州管內三縣版籍有主客凡四萬八千餘戶此舊數也其實比之今日財付六七爾大率戶為五口亡慮二十四萬餘口口日食鹽二錢日費鹽三千餘斤往時茶鄉人戶既得各自取便賣茶於是陝西諸州客旅無問老少往來道路交錯如織擔負鹽貨入山并在州縣村鄉鎮市生家變易當此之時鹽有餘戾今既一切禁止客人不令販賣官中當須預先為之計度鹽貨千萬積貯在此所貴法行之後日有數千百斤轉賣出於民間復日有數千百斤般輦入於務內如此則源深而流長若彼中默乘稍闕或更有應副他處使用并道途諸般阻滯不能投續來至於此

當此之時鹽不足矣臣見去年自鳳翔鹽鹽來本州稅務出賣為茶本錢凡一十七次般填到二萬七千餘斤中間又有闕報數目至今有不到者自今年三月已來遂無出賣甚可懼也欲乞朝廷更下議者反覆熟慮準備計要其法已定然後施行詔令提舉成都府利州秦鳳熙河等路茶場司相度奏聞八月一日詔三司河北鹽法可依舊施行如舊法有未便即與河北東西京東東西提舉收趁鹽稅司同共相度仍具河北京東熙寧八年寔收鹽稅錢數以聞十一月十一日詔三司近累有臣僚言陝西鹽鈔法仰速講求利害條畫以聞二十七日侍御史周尹言伏見成都府路州縣戶口蕃息所

產之鹽食常不足梓潼等路產鹽雖多人常有餘自來
販便販易官私兩利別無姦弊訪聞昨成都府路轉運
司為出賣陵井場鹽遂止絕東川鹽不放入本路貨賣
及將本路卓筒井盡行閉塞因閉井而失業者不下千
百家蓋欲鹽價增長令人戶願買陵井場鹽又因言利
臣僚奏請募人般解鹽往川中貨賣自陝西至成都府
經隔二千里以來山路險阻不能般運到彼致日近成
都府路鹽價湧貴每斤二百五十文足更值豐歲以二
斗米只換一斤鹽貧下之家尤為不易東川路鹽每斤
却只七十境上小民將入西路便為禁地斤兩稍多刑
名不輕嗜利苟活之人不顧條法至有持仗衆送販賣

者况兩川州郡雖分四路其實一體本無禁禁未有捨
東川鄰路之近不通行鹽貨却於解池數千里外般往
成都出賣非惟人情艱阻兼陷失商稅不少是非利害
昭然可見欲望放行東川路諸處鹽依舊令諸色人任
便將帶於成都府路貨賣本路轉運司不得更有止絕
成都府路自前開到卓筒井日近閉塞處如元句當人情
願承買却令開發為主即不得更有閉開其解鹽亦乞
依舊令客人任便興販入川官中更不般載詔送三司
相度以聞十二月八日中書門下言判司農寺熊本言
蒙朝旨令張滂並送詳定鹽法文字付臣伏緣所修鹽
法事干江淮八路凡取會照應鹽課增虧賞罰之類係

屬三司竊慮移文往復致有稽滯兼昨權三司使沈括曾往淮浙體量安撫措置鹽事乞就令括與臣同共詳定從之十四日知太原府韓絳言自到所部詢問民間疾苦其大者鹽食味之所急也今立法使人人自赴官場收買則貧下之人及去官場遠者當祁寒暑雨之時豈能朝夕奔走以就買乎遂至於無以養父母畜妻子下則駝與羊土產也家家資以為利非鹽不活故冒犯者衆徒罪日報而不能止況私鹽味甘而易得是肯畏刑而不販鬻乎比來本路鹽賊已有成群持仗者竊恐東南鹽賊之患將移於河東矣其建議者本欲籠利以助經費苟以價直脚乘及告捕賞錢計之所得無幾

供
一
供

又舊法以鹽鈔易公邊軍儲今則鹽錢散在內地而邊
廩頗耗但見日殘於民而未見有益於國也詔三司相
度利害以聞 十年正月九日中書言近許市易司與
江南西路轉運司允供撫等五州軍鹽和買細絹差屬
官歐陽成總領以鹽引從便移易與轉運司財賦并場
務課額有妨欲令以諸州所支和買鹽數委轉運司相
度裁定罷還市易務所差官從之二月二十五日三司
言奉詔同制置解鹽使皮公弼詳議中外所論陝西解
鹽鈔法利害蓋鹽法之弊由熙河鈔溢額故鈔價賤鈔
價賤故糧草貴又東西南三路通商州縣推賣官鹽故
商旅不行如此鹽法不得不改官賣不得不罷今欲更

張前弊必先收舊鈔點印舊鹽行貼納之法然自變法
日為始盡買舊鈔入官其已請出鹽立限許人自陳準
新價貼納錢印鹽席給公據今條具所施行事一東南
舊法鹽鈔一席無過三千五百西鹽鈔一席無過二千
五百盡買入官先令商人以鈔赴解州推鹽院并池場
照對批鑿方許中賣一已請出鹽立限告賞許商人自
陳東南鹽一席貼納錢二千五百西鹽一席貼納三千
與換公據立限出賣罷兩處禁推官責其提舉司出賣
鹽並依客人貼價錢充買舊鈔支用取客人情愿對行
筭請從省司降篆書_鹽席木印樣委逐州軍雕造付所
差官點檢印記給與新引將京西南北秦鳳河東路在

京開封府界應通商地分各舉官一員其全席鹽限十日內經官自陳點貼納委所差官點數用印號毀抹舊引給與新引其貼納錢許供通抵當如商人願以舊鈔依估定價折會貼納鹽錢者聽從便於隨處送納抹記封印送制置司若私鹽衰息官鹽自可通行民間請出兩路並無慮三十五萬席比候民間變轉約須暮年慮沿邊未入新法鹽錢糧草有闕乞權於去年納欠自糧斛穀粟計物價借充軍糧候入到鹽錢依數撥還通商州縣鎮歲終委轉運提點司各以管下民戶多少同者將繳納商人住賣鹽引多少為準比較增虧依編勅江淮等路賣鹽酒比較賞罰詔除提舉出賣鹽解司官地

分別降指揮外及市易司賣鹽亦依客例貼納價錢餘
依所乞三月十六日三司言相度出產小鹽隣接京東
河北末鹽地分澶濮濟單曹懷州南京及開封府界陽
武酸棗封邱考城東明白馬長垣祚城九縣縱令通商
必是為外來及小鹽侵奪販賣不行自合依舊官賣仍
召客人入中外其河陽同華解州河中陝府及開封府
界陳留雍丘襄邑中牟管城尉氏鄆陵扶溝太康咸平
新鄭十一縣欲且令通商候逐月繳到客人交引對比
官賣課利如不至相遠即立為定法若比之相遠或起
辦年額不敷即依舊官賣從之四月十二日詔今後客
鹽入京並於市易務中賣本務依市價收買雖賤每

席不得減十貫並畫時支還見錢其京城內外諸廩販賣鹽人並於本務給印曆請買願立限賒請者聽如私自買賣許人告首等第給賞鹽沒納入官二十一日三司言勘會提舉出賣解鹽司官賣去處既許通商內除同華解州河中陝府五處元不使文鈔係用權鹽院司帖直行支請鹽貨所有賣未盡官鹽合令制置解鹽司勘會勾收依客人貼納價例變轉支用或取客人情願對行弄請外其河陽并府界陳留等十三縣鎮緣係是出賣解鹽司借撥却省司鹽席并買下文鈔支請搬運赴逐處出賣今未亦有賣未盡官鹽欲乞下本司據的實數目交割與京西北路轉運司府界提點司令與客

鹽相兼出賣候賣盡官鹽即令客人任便興販又朝旨
令將通商州縣逐月繳到客人交引對比官賣鹽課增
虧欲候將來逐州縣賣盡官鹽日比較施行從之二十
三日三司言相度皮公弼鹽法今參酌前後兩池所支
鹽數歲入以二百三十萬緡為額自明年為始從之二
十四日三司言近奉朝旨將舊法南東鹽欵委官子在
京等七處置場每席三貫四百權于內藏庫借見錢二
十萬貫應副收買候貼納到鹽錢逐旋撥還尋令市易
務依此收買本務申客人擁併赴務投下文欵據所計
用錢五十九萬三千餘貫省司全闕見錢深慮有妨欵
法欲將在京客人所乞中賣文欵除單合同欵別無收

附對勘却退令於向西州軍官場就近勘合中賣外其餘鈔數盡行收買價錢約三分支還見錢餘七分依沿邊入中鈔價細算合支價錢數目給與新引所有合貼新鈔候降下指揮後有司牒三班院差使臣一員赴制置解鹽司取撥合銷新鈔赴市易務下界契勘書填給付客人令於解池請領鹽貨所賣買盡民間舊鈔兼客人換得新引請鹽赴時變賣從之其新鈔仍在熙寧十年令出鈔額八月十五日詔永興秦鳳路各借熙寧十一年分鹽鈔三十萬貫熙河路二十萬貫付轉運司乘歲豐廣置邊儲二十五日詔三司借支錢三十萬緡於京師置場買賣鹽鈔以制置解鹽使皮公弼請復范祥

舊法平準市價故也十一月十三日詔三司具陝西新法鹽鈔入過斛斗比舊鈔時入過若干并取沿邊州軍八年九年分逐季及見今新法鹽鈔在市買賣實價以聞元豐元年正月二十二日前尚書司門郎中王伯瑜乞改京東河北四路產鹽場為市易鹽務官買於竈戶以售商人詔提舉市易司台伯瑜審議六月二十二日同提舉成都府等路茶場蒲宗閔言本司元依客例買解鹽入川變轉茶本不禁私販後劉佐權賣遂致人言及因解鹽司申陳盡從廢罷伏詳朝廷止絕本司賣鹽之意慮妨商販害鈔緣解鹽法弊在出鈔過多乞除劉佐權法不行外許依舊施行詔陝西轉運使李稷相

度其後稷言乞令本司商人買鹽入川變易本錢每過
萬席從之二十九日詔福建路轉運使蹇周輔兼提舉
本路鹽事先是周輔言奉詔相度鹽事欲令上四州募
人充鋪戶官給印曆請鹽分賣減其價直移南臺倉于
水口鎮增巡防兵選捕察之官私販者交易引致停藏
負載之人不以赦前後三犯杖皆編管鄰州已編管而
再犯者配本城禁其販運雜和之弊嚴其保伍捕告之
法故有是命八月八日詔自今官司及官員役術舉人
等於所折博務占買鹽鈔及越次給者並科徒二年罪
不以赦原告者厚賞之九月十一日三司言河東都轉
運司乞續支京鈔見錢三十萬緡計置軍儲今欲依羅

買封樁糧草例於未鹽錢內支錢一十萬緡換作本路
交引收附與轉運司計置極邊糧草却以未鹽錢撥歸
省司從之十二月三日詔三司給審帖以提舉賣解鹽
司歲用鹽萬席於解州池場般請其錢封樁歲終具數
以聞二年正月二十六日上謂輔臣曰向來陝西用
度不足出鈔稍多而加賤遂建京師買鹽鈔之法本欲
雅鹽價飛錢於塞下而出鈔付陝西無止法都內凡出
錢五百萬緡卒不能救鈔法之弊蓋新進之人輕議更
法其後見法不可行猶遂非憚改王珪曰利不百不變
法上曰朝廷措置重於輕始雖少年不快意然於國計
甚便姑安靜以待之二月十七日詔解池鹽歲以二百四

十二萬緡為額自明年始其歲增錢十二萬緡半令三司封椿半與陝西轉運司先是解鹽鈔分東西而西鹽止得賣於指定地方並邊州軍市留糧給鈔過多故鈔及鹽皆賤而難售商旅不行官價自分而為二於是三司及制置解鹽司言東鹽價重西鹽價輕請放西鹽得自便而增其價與東鹽等以平鈔法歲可增十二萬緡後給鈔更不分東西關渡西鹽約束悉廢省從之解池鹽鈔舊以二百二十萬緡為額至轉運使皮公弼請增十萬以助邊至是為二百四十二萬三司又言商人已出請西鹽宜令貼納虧官錢使與新法價平亦如其請二十九日經制熙河邊防財用司言岷州鹽官鎮通遠

軍鹽川寨兩監場近撥屬本司歲入增羨乞自今年別
立界歲終較其登耗以施賞罰從之七月二日權發遣
福建路轉運使兼提舉鹽事賈青簡自諸州改法賣鹽
酌三年之中數立額鹽官并產鹽州巡檢使臣不以課
額高下令鈐院選差從之八日陝西路轉運司年額鹽
鈔許徑制熙河路邊防財用司認數收買以李憲言轉
運司常苦無錢以鹽鈔和糴為富人收蓄坐牟厚利而
計置司積行錢市物須藉鹽錢輕齎故也十四日詔陝
西鹽鈔歲分三限印給以制置解鹽李稷言民間鹽鈔
數少鈔價踴貴而折博務見鈔可以平之致豪商店鈔
以取利蓋三司不以時給鈔使然上批三司給鈔如舊

無日限宜分料次責限行下故有是命十月七日權發
遣福建路兼提舉鹽事賈青言責鹽錢撥還轉運司外
乞別封樁以聽移用又言捕盜官獲私鹽最多者望於
常法外論賞從之十二月五日詔外界青白鹽入河東
路犯人罪至流巡檢或寨主監押津堡官先差替從河
東轉運使陳安石請也先是安石乞本路犯西北面界
青白鹽者並依皇祐敕斷罪仍不以首從編配從之皇
祐敕刑名比今為重又法非興販二分得一分之罪時
安石方行鹽法於河東以希功利故欲峻其禁也二十
二日詔尚書庫部員外郎權發遣福建路轉運使賈青
遷祠部郎中以措置鹽事有勞也三年四月二十七

日詔福建路鹽事自蹇周輔承命祖法賈青相繼奉行已見就緒歲課有贏賈青近已嘗推恩自餘行法有勞官吏可第賞之先是提舉福建路鹽事賈青上所部賣鹽官吏元豐二年歲課比祖額增羨及捕獲私鹽最多乞優加酬獎時周輔已擢三司副使自轉運司判官王季京而下二人遷官陞任循資減磨勘年堂除不依名次路分注官有差六月五日三司言提舉出賣解鹽司自熙寧八年至元豐元年收息錢六十萬五千七百緡詔提舉官張景溫幹當官呂遠各遷一官餘減磨勘年吏賜帛有差二十五日京東路轉運副使李察乞通行海鹽州軍置買賣鹽場從之九月二十八日詔權發遣

三司度支副使塞國輔相度江西廣東賣鹽十二月二
日詔瓊州朱崖等處官賣鹽不隸令主吏陪買者與私
免又海南州軍買鹽於民前後官政擅增其數或不給
錢鹽產多破產逃竄下廣西轉運使司立定每丁所買
鹽數從瓊管體量安撫朱初平之請也 四年二月二
十七日權陝西轉運使李稷言解鹽司收簇攢那散漫
遺落官錢二十一萬七百九十四貫有奇尚在陝府河
中府秦解華州中興軍收掌詔並於所在州軍封樁其
熟抄仍變轉見錢三月一日權發遣三司度支副使塞
周輔言江西歲運淮鹽有常數人若淡食而廣東所產
不得輒通無賴姦民冒利犯禁習以盜販為業已與兩

年一
鹽

路監司會議謂宜立法兼通廣鹽於虔州以七百萬斤
為年額以百萬斤為準脩復均虔州舊賣淮鹽六百一
十六萬餘斤於洪吉筠袁撫臨江建昌興國等州軍關
鹽出賣處不害淮鹽舊法而可通廣鹽詔周輔限一月
立法已而周輔具江西廣東路鹽法并總目條上從
之四日權發遣三司度支副使公事塞周輔奏聞江南
西路人納淨利買撲鹽緣鹽繫民食與坊場不同今
欲量縣大小戶口多寡立年額官自出賣仍先乞廢罷
買撲處令轉運司候法行日於增賣鹽錢內據淨利錢
數撥還提舉司從之四月十二日權陝西路轉運兼制
置解鹽李稷言考覈近日内外鹽鈔價平臣切謂責生

於難得賤生於有餘自新法未行通取七年支鹽數目
乘除每歲當三十六萬餘席故鈔之貴賤視有司印出
之多寡新法已後鈔有定數起熙寧十年冬盡元豐三
年通印給過一百七十七萬二千餘席而會問池鹽所
出纔一百一十七萬五千餘席尚有鈔五十九萬有餘
流布官私則其勢不得不賤方鈔貴時無可並發及今
價賤又未加收鈔則益虛消長之法未盡全備伏望特
議少損鈔額仍令賤鈔貴出以盡平準之道所貴久而
無弊詔候錢認點檢本路鹽事廻取旨十三日陝西路
制置解鹽司言解鹽歲增錢準條作熟鈔召人中買內
六萬緡令三司封樁去年三司封樁歲增錢六萬緡凡

為鈔九千七百五十一席今民間鈔多價賤若更變賣恐轉損鈔價見鈔乞納三省更不出從之并經制轉運司合得六萬緡亦令納三司自今並權住給鈔七月十四日河東路都轉運使陳安石言元豐元年閏正月奉詔幹集本路鹽事臣自到任推行新法官場課辦私鹽禁止歲有羨餘及增收忻州鹹地鐺戶馬城鹽課今保明到官吏詔減磨勘及循資有差十二月九日權三司使李承之劄子奏東南鹽法條約蒙^詔旨俾臣與編修官董唐臣截自元豐三年八月終應干鹽法前後敕劄及臣庶起請除一時指揮已施行者更不編修外修成一百八十一條分為敕令格共四卷目錄二卷之以元

豐江淮湖浙路鹽敕令賞格為名如得允當乞雕印頒
行從之五年二月八日朝奉郎寶文閣待制李承之承
議郎董唐臣上編修鹽法承之賜銀絹各五十唐臣城
磨勘一年四月二十二日三司言朝旨給鹽鈔二百萬
貫與涇原路陝西轉運司勘會印鈔紙見關四十八萬
張若伺候商稅等州科買起發顯見住滯欲用雜物庫
襄州夾表紙印造上批紙色不依自來所用非便宜止
令依久例所用上色堪好紙印造七月二十二日洪州
奏自更定鹽法新添鹽錢並合起發赴京深慮遲滯乞
先次出賣新鹽然後起辦舊課庶可及數用裝發上批本
路新額鹽課並係朝廷指準為邊糧糴本之用歲歲常

須登辦仍須及期經制到京起時糴入從之八月三日
尚書戶部言日者鹽鈔數多價賤難售相度所支陝西
五路計置軍儲鈔計二百萬緡鈔內隨逐路所得各減
半凡百萬緡其逐路糴買糧草錢即於減罷椿還陝西
見錢鈔末鹽錢內隨分數與逐路令商人入便從之九
月十九日淮南轉運司言奉朝旨令淮西一路先推行
蹇周輔鹽法本司看詳乞自來年正月一日令淮西一
路官自賣鹽以年終實收課額比奏從之十月十九日
詔宣義郎張元方提舉出賣解鹽及提舉捉私鹽相度
措置於鹽池六年四月二十八日京東路轉運司言
比較本路及河北買賣鹽場自行新法及以一年半凡

收息錢三十六萬緡詔權發遣陝西路轉運使李察權
發遣京東路轉運副使吳居厚各遷一官三月十日又
詔京東推行鹽法已見成效轉運副使吳居厚雖首議
官而自付委以來悉心其事以迄成就兼其他職事

見宣力一路計用自贍饒足未嘗干叩朝廷近已遷官宜更

賜紫章服十七日詔解鹽司錢非朝旨擅支借以擅用
封椿錢法論從例置司請也五月一日詔京東路新法
賣鹽錢令轉至北左藏庫封椿歲具數以聞時本路轉
運副使吳居厚所奏賣鹽錢多立虛數上欲驗實故也
十五日尚書戶部言知瓊州劉威相度瓊州昌化萬安
朱崖軍民戶鄉村坊廓第一至第三等每丁逐月買鹽

一斤第四第五等及客戶僧道重行每丁逐月半斤不以日月為限歲終買足遇有死亡開落進丁狀收上看詳所配賣鹽數太多欲乞兩等鹽各減半餘依劉威所定從之二十二日陝西路制置解鹽司言詢訪並邊鹽價增長乞許本司隨宜增價賣候邊事寧息裁減從之六月一日詔京東路轉運副使吳居厚具所部知通以上及別路監司提舉官可充本路轉運司官協力推行鹽法者及本路行鹽法當選委知州通判處置以聞十五日詔京東路新行鹽法上下交便不妨獲利公家以佐用度推之河北路無可疑者可今蹇周輔李南公于界首約吳居厚面授京東成法行之十七日詔京東

路轉運副使吳居厚已發本路增贖鹽納北京左藏庫
居厚謹於營職數而有功可降敕獎諭七月九日尚書
戶部言江淮等路發運使蔣之奇奏知州通判與鹽事
官未有賞罰請以祖額遞年增虧從制置司比較聞奏
本部欲乞江湖江浙路諸州所收鹽課歲終申發運司
類聚比較一路內取最多最少者各兩處以知州通判
職官令佐姓名上戶部其提舉鹽事官一路增虧準此
詔定重修編敕所依此著為令八月十一日權發遣河
北路轉運使吳雅言輟便及創行鹽法湏官吏協力乞
許不拘常制奏名選差從之九月十三日京東都轉運
使吳居厚乞青州等十二處鹽官令本司奏差兩次及

非州縣處場務獨負闕官亦令本司選差從之十四日
尚書戶部侍郎塞周輔言河北鹽稅太輕宜陪增稅錢
乞下所屬參較立法本部欲下河北轉運司相度從之
二十八日尚書戶部言在京買賣鹽鈔場買鈔本錢支
盡乞借末鹽錢二十萬緡買客鈔從之依元豐四年三
月十八日詔買候價平奏取旨十月一日京東路轉運
司言商販青州高家港鹽至齊州等處減價賒賣至本
司賣河北鹽不行欲依見行稅法酌中立數每歲認賣
高家港鹽二萬席運至齊州界依河北鹽價相兼賣如
敢商販依漏稅法從之十三日京東轉運使吳居厚言
準詔支鹽息錢三萬緡修青州城已起發外有未支

修城錢萬七千餘緡乞不用六年鹽息錢止於支不盡
脚錢應副役之二十一日提舉茶場陸師閔言運鹽入
蜀見計置萬三千席約賣盡得二分五釐之息詔候及
一年奏取旨 七年正月二十五日尚書戶部言陝西
轉運副使范純粹乞沿邊所賣解鹽並令轉運司自以
鈔赴解池請鹽或召商人入中應副邊用其李稷元奏
更不施行從之五月十一日荆湖路相度公事尚書右
司員外郎孫覽言沅州已招懷犛狼九衛等百三十餘
州峒自誠州至融州融江口十程可通廣西鹽乞許入
錢於誠州買鈔融江口支鹽增息一分可省湖北歲餽
誠州之費辰沅州準此詔誠州買廣西鹽立蠻人地稅

免租課七月二十七日知滄州趙瞻奏河北鹽法漸已就緒乞自大名府澶恩信安雄霸瀛莫莫等州軍盡行權貨以增其利從之九月十二日提舉荆湖南路常平等事張士澄轉運判官陳偲等上本路八州監舊賣鹽及今來相度合增賣鹽數修為湖南廣東西路鹽法條約總目戶部言欲依此推行候就緒令本路轉運提舉官同立法從之先是三司副使蹇周輔言郴全道州可以通廣鹽數百萬代淮鹽食湖南故奉議郎邦彞亦乞運廣東鹽往湖南路彬全道三州詔送士澄偲相度至是奏上乃下本路監司行之十月三日同經制熙河蘭會路邊防財用馬申言糴買全在冬春之交乞十月後

印給次年鹽鈔限正月至本路下戶部戶部言若本路
豫得鈔招誘入中牽制秦鳳等四路鈔價乞依秦鳳等
路吏部差使臣於正月下旬押赴經畧司從之 哲宗
元祐元年正月二十八日戶部言相度河北鹽法所乞
廢罷見行新法復用舊法通商從之閏二月十八日戶
部言陝府西路轉運副使呂大忠奏陝西鹽鈔價貴乞
年額外依自來兩池分數更支鹽鈔一十五萬席以平
準其價從之同日臣僚言解鹽兩池自來通行貨賣今
京西運司置官設局使民間不得貨賣頗為不便乞放
行通商每席量增貼買錢京西轉運副使范純禮相度
本路增收貼買錢無名乞依舊法許令通商將見在鹽

并一作并

并鈔令本路依客例變賣撥還逐處從之二十二日戶部言右司郎中張汝賢奏福建路產賣鹽額俟及五年有併增併虧自依海行條法施行內上四州軍賣鹽應抑勒人充鋪戶并願退免不為施行者各徒一年提舉塩事知而不舉與同罪從之四月十四日右司諫王巖叟言在京解鹽鈔頓減常價商旅患之望出緡錢為權其價以救一時之弊詔令戶部相度以聞二十六日右司諫蘇轍言前宰相蔡確兄礪等始議創添河東賣沂州馬城池塩其塩夾硝味苦民不願買轉運司申乞住賣而虞部李閔曲為問難不肯依實定奪乞下江東轉運司保明如無妨礙即依所請住收仍取問蔡礪等建

江一作河

黃石董

望作情

反作及

議害民虞部官吏布合權要故作留滯詔建議等官并
虞部行違留滯令大理寺根究以聞同日陵井鹽進士
黃遷上言山澤之利莫過鹽井向者有司於課稅外更
使一井歲輸五十緡謂之官溪錢興利者因自墮而
羨利反有所遺願蠲除之詔黃廉體量以聞繼而黃廉
奏被旨體量民底上書陵井鹽願悉蠲除之今後開興
鹽井除稅課外不許別收租錢從之五月四日詔福建
閩縣令徐壽改宣義郎時言者以福建路茶鹽往往抑
配均買遣吏部郎中張汝賢按察而汝賢言壽行鹽法
之初不使民多售故也六月八日戶部言百姓昔年請
鹽謂之鬻鹽及至絲鹽之時大有所濟然後隨稅納錢

入官昨因言者罷所依蠶鹽止令百姓虛納鹽錢於義
未安請依舊依蠶鹽從之七月十三日詔免河中府河
西縣人戶鹽錢折納斛斗前此本縣有官中食鹽四千
餘斤令人戶均請納見錢已而又令折納斛斗至是因
民廩上言故罷之二十八日戶部言乞罷市易所置鹽
場從之十月三日陝西制置鹽司奏慶曆八年朝旨范
祥議改解鹽事內延慶渭原環鎮戎保安德順等八州
軍禁榷客鹽官自鬻鹽歲以萬五千五百席為額一依
范祥舊法其出賣到鹽錢以給轉運司糴買乞今後有
降解鹽額鈔更不下轉運司委自本司依逐州軍合得
年額支給戶部有詳欲依所乞候民間積滯鹽鈔稀少

日朝廷或應副本路見錢從之六日戶部言嘉祐中中書劄子解鹽鈔立定一百六十六萬三千四百緡為年額今相度歲給解鹽鈔欲乞以二百萬緡為額買馬之類並在數內其應係見錢公據並乞寢罷庶不侵害鈔法候將來民間積滯鹽鈔稀少價直平日歲給之鈔別奏取旨從之二十九日戶部言欲乞巡檢知縣兼鹽倉場賞罰並依正監官法從之十一月二十五日荆湖南路轉運司管勾文字張組言已罷天下重法惟賣鹽場務推行常平倉法尚存乞罷鹽法約束內依常平給納法并所增支酬從之二年三月二十六日陝府西路制置解鹽司言得旨從本司奏請將沿邊延環等八州

軍依范祥舊法召人自備資本入中解鹽一例依新定
鹽價於轉運司年額鈔內細算支還價錢其入納下鹽
却依裁定每斤價錢出賣應副轉運司糴買本司相度
欲乞將舊法客人入納解鹽於年額賣鹽錢數內減費
錢二萬七千餘貫許依數取撥添納充在京買鈔本錢
隨時消息平準鈔價從之 五月十四日戶部言奉詔
旨舊給鹽處並依昔年例散餉本部約度府界京西
京東等路共合用鹽三萬二千五十席請從本部預
給鹽引令出賣解鹽司召人結攬販運於絳州垣曲縣
鹽倉送納令三門鞏運司販運應副夫俵應合給脚乘
文鈔亦令解鹽司據所販賣數申本部撥還從之八月

鹹
一作鹽

十二日詔蠲免二浙鹽亭戶課鹽

舊亭戶計丁納鹽歷載已久至是除之

二年五月四日戶部言荆南湖北鹽價相度自接連廣東及江南湖北州軍場務以遠近均定庶幾賁賤不致相遠可絕私販從之八月二十三日詔官司毋以陝西路所給鹽引回易規利犯者以違制論四年正月二十四日詔成都府路見管鹽井一百六十餘立為定額不問大井及卓筒並不禁止若遇鹹泉枯竭許於舊井側近開卓取水以補舊數推定認納課額舊井却行棧閉仍不得創於額外增添

從侍御史呂陶論到利害也

五年正月十

一日戶部言江湖鹽未有往外州縣般鹽管押法乞衡州茶陵安仁縣往潭州衡山縣般運並依鹽令縣官管

鹹
作鹽

卷九十七百八十九

押交割出賣從之二十八日戶部言前任利州路轉運判官韋驥奏元豐中梓州轉運司請止絕閬州棧閉鹽井及剋開井恐侵本路鹽課以本州虧減課額乞驗實如委鹹脉變淡許棧閉及創開別井煎輸從之九月二十五日陝府西路制置解鹽司言應告捕獲私鹽除準價支賞外將別理賞錢如不及十斤一貫十斤倍之每十斤加二貫至百貫止仍乞據今來所添錢只用本司錢支充從之六年二月六日提舉河北鹽稅司請自今許令商賈以所販鹽於有監官處所屬場務輸納稅錢出給小引量所賣處人戶多寡給日限般運赴無監官鎮市從便出賣從之同日河東路經略安撫使滕元發言

活石變

清石貨

請自元祐二年後賣到鹽數與熙寧中課額比較取酌中一年為法河東轉運司相度欲將代州管界每年以八十萬斤為額從之十二日葭峽路轉運司言伏見熙河入中射請大寧監鹽係立限十年請將三路熙河路等處入納錢銀糧草射請本路開達忠萬涪州雲安軍六處鹽鈔並依大寧監年限施行從之九月十六日戶部請使臣人員押鹽綱沉失少欠該衝差替者赦降去官不免從之十月三日戶部請召人入中解鹽許客人於河陽都鹽務入中其價錢每席八貫二百從之十一月一日戶部言請廣南東西路應用大棹船興販私鹽告捕獲雖杖以下罪不以借債運致其船並沒官仍別

估價給賞從之 八年正月二十一日詔東南諸路轉運司勘會本路賣鹽舊法未減價年分及措置鹽事所減價後來各三年數目比較增虧申尚書省令吏部長貳御史中丞侍御史同定奪其利害以聞從度支員外郎任公裕請也二月十七日詔俵散鹽徐州淮陽軍許依元祐敕京東路河東晉隰磁絳州並罷 紹聖元年九月二十五日詔府界並諸路鹽年終課利增欲並依元豐賞格從三省請也二十七日權陝西制置解鹽使仇伯玉言百貨與鹽鈔輕重大槩相似然鹽鈔特貴者蓋鐵錢輕濫又以官定鈔面價不許輒增乞隨逐處市價增減將陝西路近年所降敕條年額及泛降鹽鈔

官司並依鈔面價博賣輒增價徒二年指揮乞更不施行從之二年正月十日京東轉運司言本路自行鹽法官置買賣鹽場於海鹽場般至沿河場務和雇陸運至縣鎮出賣每年萬數及利息錢不少元祐間以和雇不便遂罷般載課額併在大場自後課息不敷本司今欲依舊分般出賣從之三年正月九日發運司言淮南亭戶例貧瘠官賦本錢歲六十四萬緡皆倚辦諸路以故不時至民無所得錢必舉倍稱之息或鬻憑由不能得直之半是以多盜賣而負官課欲撥本司糴本錢十萬緡給亭戶猶云不足以憑由畀之即欲質於官則據憑由與十之七而獨其息它日鹽本錢集給還三分錢取

憑由毀之即官吏邀阻取受論如法從之三月十八日
戶部制置解鹽司言自來本路除延安府慶渭原環州
鎮戎德順保安軍八處官自賣鹽以抑外來蕃鹽外同
華解耀州河中陝府六州軍係出產私鹽去歲訪聞近
年以來私煎盜販公行今欲將上件六州軍並酌中
額官自出賣從之五月二十四日江淮荆浙等路制置
發運司言官員躬親捕獲私鹽累及一萬斤至十萬斤
等第推賞未獲犯人者以三比一差人比獲者以三之
半比一內產鹽地分獲私鹽須四分中獲一分犯人方
得比折從之六月九日江淮等路發運使吳居厚言淮
南歲月鹽委逐州通判專催促買納支還價值申陳利

到在都

害檢察姦弊仍上下半年遍詣管下倉場提舉如任內
敷足額數從本司別委官審覆奏乞減一年磨勘若比
額虧及一釐以上坐罪有差止展一年磨勘從之十月
四日戶部言欲依都省劄子應陝西路軍兵廩錢取情
願許半給鹽鈔又言欲依河東轉運司乞據本路管下
鋪戶鹽額或多或少未均並聽本司相度隨聚落均定鬻
賣從之十一月二日陝西制置解鹽使孫路請禁止河
中府虞鄉華州蒲城兩縣人戶煎硝都大提舉成都府
利州陝西等路茶事司相度私硝頗與解鹽相類味苦
而冷堪用入鹽請應煎成到硝可以亂鹽者並依私鹽
法戶部請減一等斷罪其告捕給賞並依捕獲私鹽法

從之十二月二十四日詔今後應有合支未鹽錢並依
元豐年條例雖奉特旨並許權貨務執奏 元符元年
四月十一日詔京西路官自賣鹽及應緣申請指揮勿
行十月一日三省言解州鹽池為水衝注鹽數少損民
間闕用欲河中府解州諸小池鹽同華等州私土鹽階
州石鹽通遠軍岷州官井鹽並聽與解鹽於陝西路
出賣從之十七日詔通行京東河北鹽入解鹽地分指
揮方下小民未請引便行興販見令大理寺根勘並特
放自今洎經官出引販賣 二年九月二十五日詔差
陝西轉運副使兼制置解鹽使王博相度鹽池開河
并修月堰閘九月十一日右司郎中徐彥孚言去年鹽

池被水蓋因涑水河姚暹渠樊家堰小池等處人戶盜
決南岸使水入池緣涑水河姚暹渠兩處堤岸并更有
小樊家堰自來止委逐縣尉管認巡視緣鹽池周圍闊
遠今欲乞更添兵士一百人小使臣一員令分視堤岸
從之十月二十二日工部侍郎張商英言乞就差成都
梓州路講畫官句仲甫措置專切管幹興煎東西兩
鹽井從之元符三年十月二十八日

徽宗即位崇
未改元

儀使林豫奏伏見周初權河北鹽犯者輒死猶不能
禁世宗幸河北父老遞道泣訴乞以鹽課均之兩稅世
宗定從其請今兩稅並錢是也嘉祐中三司使王拱辰
奏請復權仁祖用張方平言罷之父老迎詔於澶州為

佛老會者七日到詔書於北京其人情利害可見今議者輒欲變更非莊所收淨利未必能敷前日稅額又沿邊諸郡之鹽或至自契丹今既權之則虜鹽益售恐生邊隙倘罷今日之禁一切仍舊則一舉而獲數利詔戶部看詳以聞其後建中靖國元年十月一日給事中上官均言河北自來非權鹽地分嘉祐中三司使王拱辰乞本路權鹽仁宗皇帝降手詔曰朕不欲河北軍民隄食貴鹽詔下北京父老感泣至今碑刻詔文具在紹聖四年宣德郎竇訥奏請權鹽是時訥妻父宰相章惇遂行其請已及三年臣近緣使事經由河北州縣官吏皆謂權鹽以來官中獲利甚少民食貴鹽被刑責為害甚

大又河北係黃河流行人使經由道路每年人戶應副
工役比他處尤為勞費昨因河流決溢累年飢荒民益
重困願陛下深飭有司考究利害循守仁宗詔旨罷去
禁榷贍養貧乏寧固根本詔送三省 徽宗建中靖國
元年正月一日江淮荆浙發運副使黃實奏六路州軍
減價賣鹽課利增羨乞除舊額外其添買之數量增本
錢之數錢之數十九日戶部言六路轉運司每年鹽額錢淮南
二十七萬七千餘貫兩浙二十萬一千餘貫湖南四十
五萬餘貫湖北五十九萬一千餘貫江東一十八萬九
千貫江西三十萬五千餘貫自紹聖三年至今驟磨未
畢運路乞量行撥還詔元符三年分合得額錢令提舉

司撥還一半餘候驛磨畢取旨五月六日陝西轉運副使
兼制置解鹽使孫傑奏準朝旨相度措置鹽池到解州提
知州辛琮呈賈瓦池鹽圓池漫生鹽樣臣於二十四日同
辛琮等詣五小池檢視賈瓦圓池有上件鹽實土俗稱為
瑞鹽臣已指揮本州郡官雇人收採今據本州狀自四月
二十四日至五月四日終收到鹽五百二十席一百七十
斤計一十萬四千五百七十斤其鹽光白味鹹可食乞行
出賣所有二池鹽樣各一十斤隨狀進呈 崇寧元年七
月十二日太府少卿鄭僅言看詳管司東南般運鹽事李
岐欲於見賣鹽每斤增一文以備腳刺之費有害未益鈔
法詔勿行八月五日戶部太府寺申自来解鹽鈔用商稅州

河中府等處一鈔紙印造於鈔法係關防措撥交引庫
近乞於東南出紙州軍造一等紙預行買發三年準
備泛給鈔紙計六百八十四萬張依見印鈔板長一尺
七寸徑一尺一寸今乞下商號州河中府依上項長闊
造一鈔連毛頭紙依數起發前來赴文引庫交納印造
交鈔仍乞指揮逐州府據上項一樣紙不許通商買賣
除供官抄造印鈔紙外輒敢依上件尺樣抄造買賣者
各杖一百許人告捉每名支賞錢三十貫以關防革絕
姦弊看詳於東南路分應出紙州軍令發運司管認上
件紙數責限起發徑赴太府寺交納所有不許通商一
節並依解鹽司相度事理從之時渭州申勘到偽鈔人

令在令

緣戶部自來支降外路鹽鈔並用常紙印給致有偽造
都省提送戶部本部下太府寺相度而有此請二十九
日臣僚言陝西用解鹽為鈔范祥舊法以鈔代錢充
重齎乾沒之患以錢鑄買無估價高下之弊後來增損
寢失元意中間已五立法鹽池之壞亦四改更今已五
歲又三度易民間無所適從每一改更法未及行鈔
未及用邊商入中方在道已復變矣况為五六令同
川交子以亂之縱私土鹽以奪之耶願詔有司講求
舊法無容輕改則民聽不惑久而無弊從之二年
七月三日戶部奏修立到新法茶鹽每歲比較增虧
賞罰約束解鹽地分見行東北鹽

去處州縣當職官能招誘客人住賣比年額增依下項
二分已上減磨勘半年三分已上減磨勘一年五分以
上減磨勘二年七分已上減磨勘三年一倍轉一官解
鹽地分見行東北鹽去處州縣客鹽住賣數比年額數
增依下項二分已上展磨勘半年三分已上展磨勘一
年五分已上展磨勘二年七分已上展磨勘三年全虧
降一官仍衝替解鹽地分權行東北鹽等處州縣當職
官每歲所屬官司與鹽事司同共取索住賣數目比較
增虧應賞罰者同狀聞奏如州縣當職官奉行如法并
能講求利害推原法意施行有緒而致增美應賞或有
不職并不切奉行條令而致虧額應罰仍具詣實保明

及不職因依聞奏除依賞格外仍取旨別不賞罰陸路
支賞鹽州如能招誘客人鋪戶自用船赴產鹽場般請
鹽數數官綱及年額數目當職官依下項五分已上減
磨勘二年七分已上減磨勘三年全及轉一官諸陸路
支賞鹽州委所屬監司與鹽事司於歲終取索招誘客
人鋪戶自用船般請過鹽數目應賞格同狀保明聞奏
諸發運轉運司支撥綱船般載陸路支賞末鹽比年額
數外增及五分及一切差撥支發致虧三分已上者委
鹽事司歲終取索具詣實保明及不職因依聞奏取旨
賞罰今來所立年額合令所屬監司與茶鹽事司取索
立定申尚書省仍並自崇寧三年分為始奉行內以官

網船般載數仍令鹽事司取索依此施行從之二十三
日講議司言修立到客人販東北鹽法公路免收力勝
稅錢條從之九月十四日詔賜封樁錢淮南路二十萬
貫兩浙路十萬貫充鹽本十月二十八日尚書省言兩
浙鹽事司申浙東西山僻州郡商賈運鹽比之水運剩
費腳耗依立定有則外乞更大增之衡七斤婺睦處各
五斤山僻縣每百斤增三斤從之十一月十三日尚書
省言陝西河東鹽事李隆勸會到川陝路利洋興劍蓬
閬巴綿漢州興元府及餘處並係元解鹽通行地分朝
廷既以東北鹽代解鹽貨賣許人舊解鹽地分即應干
舊解鹽通行處自合令東北鹽興販從之十二月二日

講議司言解池未壞以前官給解鹽鈔募客人入納糧
草還以鈔鹽今解鹽未復其鈔尚循舊法給解鹽文鈔
客人齎赴京解池既無解鹽支還并河北文鈔賣與在
京交引鋪戶乘時邀利賤價收買致沿邊入納艱阻客
人虧折財本浸壞鈔法合行措置乞依熙寧元豐置買
鈔所差權貨務監官二員別選使臣或選人三員同共
專一管司換易客人之鈔應客人齎到錢並以來鹽鈔
并東北一分鹽鈔及度牒官告雜物等支換從之十四
日中書省言東南未鹽鈔遞牒自來進奏院與常程文
字表同入遞致有遺失毀棄使客人往復整會于鈔法
未便今修立未鹽鈔合同牒監官面勒吏人摺角實封

便
使

書字用印給付客人今自齋前去仍置籍具注每道姓
名字號候得報給監鈔毀訖銷注及給監訖限五日報
權貨務等詔後之二十四日詔令逐路支給未監鈔及
自般請者並須三分舊鈔兼七分新鈔支請如願全以
新鈔請者不以多少聽從便支請二十九日詔今後罷
用金銀抵當請監時鋪戶狀以為妨礙今年鈔法故三
省取旨施行之 三年正月二十七日尚書省言河東
三路鈔買賣無立定價聞民間每百貫文見賣六十五
貫以下本路價例尤賤於邊防糴買非便及見錢與新
定鈔價一例等請新法未監折鈔法正相妨今欲將河
東路自今年更不降三路鈔止給見錢買賣價例請算

東南末塩等依河北新降鈔法施行後之八月六日福建路提舉學事司狀本路出賣塩價比之昔日稍低乞於上四州軍每斤量添一錢為錢一萬九千七百貫有奇以補足八州軍學糧詔依所申仍每斤添二錢其後十月二十三日又申乞添下四州軍一錢約為錢五千七百貫有奇以補諸縣學糧復詔添二錢 四年四月二十四日廊延路經畧安撫使陶節夫奏臣聞塩澤在中條之北處四高中下之地東西五十里南北七十里按唐塩池之數有六二在坐朔二在河東一在塩州在解梁皆河勢屈曲回抱而中有塩泉蓋水性至曲而折鹹性至折而聚洪範曰潤下作鹹積千里之潤去海

鹹
作鹽

坑
一作坑

既遠是以伏脉地中聚而作鹹此鹽泉之所由生也河
為四瀆之所宗江淮濟水皆清必得至海而鹹性聚煮
水而後成鹽然造化雖出于自然未有不因天時假人
力者故大鹵靈泉亦須因南風赤日略假人力灌種而
成今解池為水所漫漫瀰百里前後議者紛紛不一今
若治外水而隄防之疎涑水河濟池濟還渠使不受外水
回蒲河水入羅寒坑回五龍谷水入小池則大池無外
水滋入之患又以鹽鈹法行滄淮鹽入解鹽通商地分
又收漫生鹽而幽州西北有廢鹽池六自唐以來互興
小池謂之女池開元中置女鹽監後以水淡遂廢今亦
被水而五小池內鹵已漫生若召南山人戶煎鹽置場

牧買依解鹽法出賣亦可扶助欽法又煎榷賣鹽小鹽可補解池一半之賦弛平時抵冒之禁為權宜通濟之術謹地政修人事而不取必於天人心既安大理亦順期以歲月可待乾涸詔送措置所詢究相度施行六月十一日以興復解池鹽寶百官表賀十九日以鹽池復興降制二十九日詔提舉措置江南東西路鹽香司勾當公事葉大方轉一官知邵武軍以大方與當職官講求鹽法課利曾美故也 大觀三年十月十九日提點陝西等路解鹽王仲千奏臣近乞將解鹽通行西京河陽兩處今來金部備坐大觀二年十二月二十四日朝旨其河南府止許經由即不得往賣候將來解鹽豐衍

別取旨契勘解鹽所收連併二年數過舊額雖是豐衍緣興復以來所蓄未廣致未敢便乞通展舊法解鹽地分今欲乞先次通行西京河陽并汝州係京西南路經過去處亦乞通行仍每歲更支鹽三萬席通見支陝西等路鹽數共二十三萬席為額俟將來種收大段增廣別具奏乞通展上批依奏疾速行下

金唐文

宋會要 鹽法

大觀四年七月二十八日中書省措置財用所奏尚書
省措置到解鹽內舊來解鹽地分除已通行外有在京
并陳蔡等州依舊法地分通行許令客旅從便販易應
于合行事件下措置財用所檢詳前後及見行條貫取
旨施行本所勘會京東河北鹽貨熙豐舊法止係本路
通行昨為水壞解池權許通入解鹽地分今來制置解
鹽司稱兩鹽池二年溢額其東北鹽已過元立期限又
稱見今解鹽地分與東北鹽相兼貨賣欲行禁止令先
次相度將東北鹽更不許放入解鹽地分地分添展

陝西川峽路州軍并河東磁州晉絳京西南路唐鄧襄
均金房隨郢八州京西北路西京河汝州 詔在京通
行解鹽其在京合經由州縣地分亦許通仰措置財用
所相度却於見行鹽地分內據今未添展州縣權住通
行 八月二日措置財用所狀奉聖旨解池近已興復
過額合依舊法印鈔召募客旅入中斛斗給鈔請鹽於
元地分通內行令講究財用所條具合行事件申尚書
省一今來指揮到日客人鋪戶買販到東北鹽隨處官
司限三日抄剗見數於十日內納官驗引據元請算數
依市司旬內拘到實直價例收買其價錢限一月內先
以轉運司係省錢支還如無即以提舉司市易務錢

又聞即支提刑司諸色封樁錢充如客人鋪戶敢有隱藏
過上件日限並同私鹽法斷罪仍許人告給賞如法如
客人願依本處市價細算東北鹽者即於所屬出給公
據前來推貨務算請往通行路分出賣一官買下客人
鋪戶東北鹽于市易或於稅務出賣比熙豐通行解鹽
日官賣解鹽銅錢價上每斤添錢三文出賣其本錢還
逐司依舊樁管息錢內市易錢以二分與本司三分與
轉運司五分封樁餘並以五分與本官司五分封樁候
解鹽解日即時住賣詔依十五日詔措置財用所乞
議定五等舊鈔立定貼納錢分算換度牒告敕香藥雜
物東北鹽外所有客人已換請到雜鈔及見錢鈔不曾

對帶鈔者理合先次支給東南末鹽依舊許商旅請往
逐路貿易可速興指揮下淮浙鹽場鹽將見在并接續
買到鹽椿留五分專充支發官綱般載往諸路準備將
來諸路商賈轉販等請其餘五分許支還客人錢戶等
請到新鈔及見錢鈔不曾對帶舊鈔合先次支鹽者庶
公私兩便熙豐鈔法早見就緒 閏八月十二日左右
司狀本司依準朝旨先次編修東南鹽法已成看詳計
一百三十卷見欲攢寫淨條銓次成冊送戶部看詳聞
準今年七月二十七日朝旨東南鹽依元豐法官賣其
所修上項條卷內辰沅歸靖州武岡軍官賣鹽元降朝
旨條文遠行使外其餘雖並係客販條法續準八月十

五日朝旨准制鹽場鹽現在并續買到鹽椿劉五分專
充支發官綱餘五分許客人鋪戶用換請到鈔及見在
錢鈔等請依舊往逐路貨易即上件客販前後元降朝
旨見今亦合施行緣不係永法其已編修看詳到一百
三十沓不須成書頒降欲送戶部收管依詳元降朝旨
施行從之 二十五日詔東南鹽澤之利為三路鈔法
之本雖已降指揮措置般運尚慮監司州軍等處違慢
不切計置人船起辦應副有害鈔法今仰發運司究心
行遣嚴緊催督諸路轉運司轄下州軍等處並仰遵依
施行務要遠邇場州軍及一年之數近鹽場州軍及半
年之數以上如違干繫官並當重行黜責州吏新訖送

五百里編管十二月二十日詔東南鹽乃三路鈔法之根本其三路新鈔已依照豐舊制節次印給前去目今已有客人齎鈔到京情願轉廊算請東南末鹽將來復行官賣之後不無擁併齎鈔前去已降指揮周因特差發運司勾當公事其發運司所管屬官員數不少可令周因專切管勾淮浙買納并催促般運鹽貨 二十六日詔左司員外郎張察差官詣東南六路轉運提刑司限兩月子細講定具的確利害仍令先次開具因依聞奏 二十九日詔兩浙轉運司合椿準備鹽措置般運并將現在封樁那移已足備可令戶部先次復依照豐舊制許客人用三路新法文鈔情願轉廊算請給前

前去逐州權依客筭鹽定價支給出賣候將來官賣鹽
即依張察均定價直施行所有客人見用崇觀可以換
請新鈔在京筭請并淮浙產鹽場支鹽各截日住行筭
給及客人已未搬販到所指住賣處鹽並仰本部限三
日相度條畫聞奏 政和元年正月十二日戶部奏准
尚書省劄子奏詔兩浙路一十四州合椿準備鹽已足
一路之數令戶部先次復依熙豐舊制許客人用三路
新法文鈔情願轉廓筭請給引前去逐州軍權依客筭
鹽定價支給出賣所是客人見用崇觀所行換請新鈔
在京筭請并淮浙產鹽各合截日住行筭給等並仰本
部相度條畫聞奏本部今相度欲乞更不賒納見錢許

依已降朝旨，請敕告度牒香藥雜物東北鹽見在民間者，許令執鈔同牒赴樞貨務，請已投鈔場未支鹽者，即令本處給與鹽鈔，并公據付客人自執赴務，亦與改算價直，拘買入官。當時支還價錢，如未有賣到鹽錢，權於朝廷諸色封樁錢內應副。候賣鹽日，先次撥還所有買到鹽依額價應副。算請候張察定到本路價直，許令賣官即行出賣。自餘五路續有般鹽足備路分如準朝旨，許令客人轉廓等算，請亦依逐項事理施行。從之。二十三日詔可。令淮浙買鹽監官常切招誘存恤亭戶，廣行煎煉，赴官中賣，依限支錢，不可大有邀阻。如歲額買鹽比額有增一分已上者，與減半年磨勘。每一

分加半年止內兩浙減半其亭戶額外中鹽每斤與增三分價錢如監官輒有留難致亭戶私賣者委本州知通覺察按劾施行所貴各有利潤趨事赴功不害良法仍疾速行下以臣僚言東南末鹽已復熙豐舊制官自般運并許客人情願將三路新鈔轉廊前去筭請及候張察均定賣價推行官賣深恐倉場監官繞見買鹽數及每年額邀阻稽滯有誤支用增長刑辟故也三
月二十一日左司員外郎張察奏奉聖旨均定東西六路鹽價已均定奏聞契勘自祖宗以來東南六路賣鹽惟紹聖之間最為增羨臣今未所定比紹聖價上每斤增錢二文至九文足以酌中紐筭每歲以增及一百八

十餘貫若候轉運司會到止是一路利害互為異見與
臣將諸路地理遠近照應相接州縣通行均定利害不
同伏乞以臣所定價例先次頒行如或逐路更有增廢
去處只乞下逐路轉運司比附相近場務立價奏聞詔
從所奏尋又詔東南六路鹽於張察所定價上每斤各
添錢一文指六月九日戶部言成都府路轉運司奏乞
依元符中措指揮興開鹽井從之八月八日詔解州鹽
池今歲自生紅鹽及收種到鹽實數及年額外增收一
倍以上其應干池事官實見勤勞集賢殿修撰陝西制
置解鹽使李百祿特除顯謨閣待制解州知通各減三
年磨勘二年三月二十五日詔契勘淮浙路合管認

備辦政和元年二年分鹽本錢實數仰依自四月為頭
每月終一次具數入遞聞奏今後逐年准此奏務在應
副淮浙鹽場監豐裕鹽本惠養亭戶敷辦煮海利源幹
旋羅買鈔法 五月二十二日尚書省言勘會東西末
鹽已降指揮許客人鋪戶等請竊慮本錢闕少不即支
還亭戶別致阻節留滯詔於諸路合起上供錢內截撥
發錢四十萬貫令兩浙淮南路提舉鹽事拘收均撥逐
路鹽場充鹽本支用仍逐旋具的實截過窠名錢數申
尚書省 九月十五日詔洪範八政食貨為先理財以
義用財以禮則民富而國用饒先王之制也迺者有司
不究本末不權輕重悉取鈔法妄意紛更致耗邦財民

亦重困邊備空虛倉廩匱竭太師楚國公京興植廢壞
以義置法曾未朞月開闢飲散一出於上公藏私餘上
下與足朕甚嘉之其今年五月以後應見行欽法酒茶
鹽法令傳載者大小綱目具著為令上之御府頒之有
司以示富國裕民之政傳之永久堅若金石庶幾姦人
不敢妄行動搖以稱朕意 十月二十八日詔令發運
司將應緣東南收買材植物料等合用價錢並仰依元
降指揮剗刷官賣鹽增添錢內支撥應副其借撥鹽本
錢指揮更不施行所有真州緣今來買木等已借支過
鹽本錢即仰發運司管下諸州軍剗刷賣鹽增添錢却
行撥還其鹽本錢今後不許官司申請借撥支兌 先

是真州申請所用買木等錢二萬餘貫於鹽本錢內權借支用至是又稱提舉木柅所公文取撥錢一十六萬貫於宣池州買木提舉茶鹽司奏請故有是命 三年二月一日中書省言勘會東南六路見行未鹽去處其年例合支鹽鹽萬數不少依條取問人戶願與不願請鹽內不願請鹽者即據合散鹽數止約六分價錢除依久例外不得創行支移折變遇災傷隨稅除放契勘昨熙寧四年內府界京東等處鹽鹽人戶請領例有糜費縣司公人減剋民戶多不願請遂降朝旨減定數更不支俵見今開封府界京東京西等處更不支俵止令人戶送納六分價錢今來東南六路依條雖合取問人戶

願與不願請監竊恐州縣利於十分催納或人戶不願請監更不取問不肯減納分數不唯於民非便兼恐引惹夾帶私監侵害客販內兩浙淮南係產監去處客販順便街市易得鹽貨可以不行支俵外其江湖四路地里遠闊慮村民却有要監去處緣利害在遠難以遙度詔淮南兩浙監更不依依條以減定分數送納外其江湖四路令逐路提舉監事提舉常平司共相度聞奏六月十八日尚書省言戶房主行新法監鈔事務自創新措置才及一年已收課息錢一千餘萬貫前後財利未可有比近權貨務官吏止緣奉行已蒙推恩檢會大觀元年閏十月十七日敕節文崇寧庫樁見錢及

一千餘萬貫左右司官特轉一官仍減二年磨勘詔左右司郎官為奉行新法並不曾推恩各特轉兩官尚書省戶房正行職級手分各特轉兩官尚書省戶房職級手分各特轉一官有資人轉一資特與轉行仍於額外安排候名次到日入額無資可轉人候有正官日收使內有官礙止法人許回授有官有服親如願保引者許依條保引親屬一名守當官於轉一官上減半推恩其合轉資人如內有未試正額書令史已轉充額外主事者候試滿了日收使點檢房職級依戶房職級例施行 九月四日詔淮南路依兩浙路已降指揮支給鹽鹽去處依市賣客鹽價例支給價錢依舊來數

今亦合

凡有批異同
字俱入注

輸納物帛所有丁口鹽錢亦依上件指揮散納施行
五年六月六日詔令同場監官增一百萬斤以上轉一
官五十萬斤以上減三年磨勘十萬斤以上減二年十
萬斤以下減一年不及一萬斤不賞虧三十萬斤以上
降一官二十萬斤以上展三年磨勘十萬斤以上展二
年十萬斤以下展一年不及一十斤^不及罰內選人比類
施行知通主管依此除二等展限磨勘一年已下者每
季為一等申餘候到申尚書省依此賞罰六年五月十
六日中書省言勘會今年二月二十四日已降指揮諸
處鹽場官並堂除人近因河北鹽香司陳乞許奏舉一
次竊慮所屬疑惑恐今後鹽場官輒奏舉官徒二年其

餘路分並一體 九月二十三日中書省言勘會提點
杭州洞霄宮即敏修前任青州千乘縣主簿日因提舉
京東鹽事體訪得本縣瀕海多鹽場草地空閒可以置
立官場召人煎鹽貨出賣本官首先開場買賣課息增
羨實有勞効詔即敏修特與轉一官 七年正月十三
日尚書省言檢會已降指揮諸路鹽場官並堂除舉辟
者徒二年未有管押鹽袋官指揮詔應管押鹽袋官並
堂除 六月二十三日中書省言勘會左右司點檢權
貨務收趁新法鹽錢及拘管舊錢文曆應副客人等入
納見錢算請鹽鈔本務自政和六年八月三日至今
年五月三日終又足一千萬貫通計六十萬貫其本司官

吏未曾推恩詔郎官各轉一官內礙止法者回授本
宗有官有服親人吏依例各支賜絹一十五尺 九月
四日詔東南東北鹽法並無改易與今來解鹽法自不
相干仰尚書省措置行下毋致抵牾交互 八年閏九
月十二日總領解鹽司奏今來御筆推行解鹽唯私硝
小鹽為害不息欲乞應巡捕官獲透漏私硝小鹽批書
印紙賞罰並依私鹽已得指揮從之 十七日詔解鹽
商販不行可復行未鹽更有陳請以違御筆論 宣和
元年二月二十七日中書省言勘會京畿西南北路復
行東北鹽自去年十月已後至十二月終三箇月間所
賣鹽數共計四百六十七萬一千七百餘斤比遞年所

賣之數例各增羨蕪客販通廣行遣具備顯是提舉監香
榷事盧宗原並本司官究心職事詔盧宗原并本司官
並各轉一官內本司官俱令合轉官人職位姓名申尚
書省 五月十四日詔應支監倉監官並不許入公私
試院及諸般勾當 八月四日詔訪聞江西路轉運司
違法出賣鈔紙姦吏因緣增價營私仰行禁止諸路依
此同日中書省尚書省言近降詔旨湖北建博易場以
監折博鹽人物貨商賣鹽人兩獲其利漸次折博奔轅
所用監貨浩潮契勘諸州軍見樁管舊監不少並是空
漚乾淨好監後來不欲變轉恐害亭戶煎納今若許充
博易入鹽界不與見販地分相妨其利有三一可以招

徠遠人二將久積舊鹽變為物貨三不侵用客販新鹽
又不妨亭戶煎趁年額如此則並無所妨從之 九月
十七日詔提舉京畿京西鹽香盧宗原除直秘閣邢彥
先唐璟并河陽鄭州知通各轉一官礙止法人回授有
官有服親仍令鹽香司具合轉官人職位姓名申尚書
省先是宗原奏自差提舉鹽事節次措置躬詣管下二
百五十餘州縣鎮採撫民言講究利害及分遣勾當官
邢彥先唐璟督責管下推行東北鹽法及宗原到任以
來推行申明立法約束事件九十二件及將遞年實賣
鹽數比較得內河陽遞年一十三萬二千二百斤今賣二
十四萬二千七百斤鄭州遞年八萬一千三百斤

今賣一十六萬二百斤故有是詔 二年二月十三日
兩浙提舉鹽事司奏檢會政和七年十二月三十日敕
權貨務劄子乞應支鹽倉自政和八年為始每上下半
年各具支發袋數目以遞年所支鹽數比較供申尚書
省并報本務籍記本司據今遂州申到政和八年支鹽
倉支發過鹽比較遞年增虧內杭州越州最增台州明
州最虧數內明州已奉宣和元年七月十三日詔明州
知通并鹽倉官各降一官又詔支鹽倉監官杭州減三
年磨勘越州減二年磨勘台州展二年磨勘遂州知通
管勾官依此降二年展減磨勘其已用當年支發鹽貨
增剩曾經推恩人如此今來賞格輕者聽從重賞明州

知通并支鹽倉官更各罰銅十斤管勾官展二年磨勘
內選人比類施行年限不同依四年法比折 三月十
二日詔末鹽解鹽祖宗以來並行不廢崇寧中以各利
一方故解池類鹽所出不多止行本路東南冀海其利
甚博故行於數路各不相妨政和六年以前庫務積錢
至二十萬貫有司扶情害政乃議改革繼命任諒等議
法復行解鹽客販折閱良可嗟惻旋命改復雖已如舊
而商旅疑惑興販未廣可下諸路曉諭今來鈔法更不
可改革 十九日詔末鹽法令已定所當遵守頃聞諸
路私鹽公行有妨客販除以降親筆處分外如諸路鹽
本不足可令提舉鹽事官將本路坊場河渡及椿留積

剩錢除存留本處支用外並特許支撥充本如敢占留
及作名目隱匿者以違制論應亭戶煎到鹽仰所屬盡
數收買限三日支還價錢如買不盡若支錢違限並徒
二年因而乞取減剋者官勒停吏配千里亭戶輒賣與
私販人若買之者罪輕徒二年配千里許人告賞錢每
名五百貫四月九日中書省言推貨務申檢承御筆東
南與東北煮海為鹽使客買鈔興販以走商賈以便民
食比聞東南州縣監司失職漫不省察巡尉弛慢故縱
私販道路往來市井交易畧不禁止東南明杭通泰楚
海濱數州出鹽客販視東北最多客人買鈔日納三十
五萬貫今止納數萬貫曾不及三分之一東北錢數却

至數萬蓋東南私販公行沮害商賈使客夫厚利虛費
本錢或致失所甚非吏商賈便民食之意可令尚書省
下榷貨務取會東南客人納錢自去冬以來最少路分
提舉監事官降一官銜替州縣降一官巡尉仍勒停東
北最多提舉官陞一任有職仍遷一職未有職與除初
職州縣轉一官選人比類施行榷貨務開具客人入納
筭請淮南兩浙鹽錢又提舉淮南鹽香司具到去年正
月至年終增五千三百六十餘貫四月三日詔淮南鹽
香為鹽數增其濱州入納筭請鹽京西路州縣住賣鹽
最多泰州入納筭請最少州縣官并巡尉並依御筆指
揮施行仍令逐路鹽香司具合轉官人職位申尚書省

七月十九日詔解鹽法頃歲推行無補公私尋即廢罷今東北東南鹽商賈阜通民受實利法令已備責在奉行敢有扇搖妄稱朝廷欲行解鹽法及奉行東北東南鹽違戾者除合依扇搖鹽法補官給賞外可更增主賞錢二千貫許諸色人告犯人生合斷罪外仍以違御筆論昨緣私鹽有害客販已令諸路提刑司嚴行禁戢仰諸路廉訪使者體究有無推行減裂去處限十日聞奏當議重行黜責令開封府權貨務出榜曉諭 三年四月二十五日詔河北京東路推行新法鈔鹽可添置提舉官一員屬官一員分路治事內河北東西路各一員京東東西路各一員屬官依此其河北路官治所就

用學事司解字 五月二十九日尚書省言勘會兩浙
路用置監本見錢每鈔一百貫已指留二十貫文契勘
本路內有昨經賊焚劫州縣竊慮指留數少有妨買鹽
支用兼被劫亭戶亦要錢本接濟兩浙路除見指留外
令權貸務每一百貫更增指留錢五貫專充每監本錢
閏五月二十日都省言奉御筆權貸務狀東北監自
通展地分後來客販增廣并東南監見今筭請浩瀚所
用印鈔紙扎工墨朱紅之類糜費萬數不比日前欲乞
今後筭請東南東北監鈔每貫量收印鈔工墨等錢仍
合並依東南監則例收納所費事法一同從之 六月
四日詔畿州路軍儲年計並出於恭涪兩州內大寧監

點石點

監係羅本應副一路可特許本路漕司同共踏逐奏舉
諸知逐處次第才幹清強官充恭涪兩州大寧知監差
遣一次任滿無遺闕保明奏聞 七月二日權貨務奏
收監錢一億萬及一億一千萬貫已蒙推恩令具尚書
省點檢文字專呈新法人下項盧宗古秦畋任點檢會
今年七月二日詔權貨務收監錢一億萬一億一千萬
貫兩項併作一項推恩本務官吏各轉一官資三省戶
房職級手分點檢諸房文字并尚書省呈新法文字人
各轉一官願支賜者聽其餘經歷去處更不推恩內轉
官礙止法人許回受本宗本色有官服親又檢會政和
二年十月八日朝旨收到新法見錢三百八十餘萬貫

戶房職級手分權貨務官資等內點檢都事轉官回授
仍賜紫章服又檢會政和元年十一月敕權貨務狀收
到監處通及八千萬貫三省戶房奉詔依降御筆指揮
轉行一官資今具專委措置呈新法文字人點檢文字
吳紘尚書省都事張士元馮仲源李士規張仔董彥十
月二十四日詔吳紘特轉行一官張士元馮仲源李士
規並賜紫章服張仔董彥依吳紘例換右職依舊充點檢
文字詔依例並賜紫章服先降轉官指揮更不施行
八月十九日詔中大夫直徽猷閣提舉權貨務魏伯芻
直龍圖閣以監課增羨也二十四日中書省言勘會
左右司點檢權貨務收趁新法監分拘管雇錢文曆應

副客人等入納見錢筭請監鈔本務自宣和元年八月
五日後來起收監錢通計一億萬貫及一億一千萬貫
本司官吏未曾推恩取到左右司狀具下項守左司員
外郎李回右司員外郎周武仲司封員外郎權左司張
恣水部員外郎權右司王義叔人吏賈定等詔郎官各
轉一官願換章服者聽人吏賜絹十疋 九月十一日
中書省言檢會崇寧元年十月四日敕東南未監畫一
內一項見任及停閑命官有蔭子弟得解舉人與本州
縣公人之家並不得作鋪戶與客人用鈔請監違者後
二年官司知情與同罪許人告賞錢一百貫勘會前項
逐色人若自用鈔請監販賣或接買停塌監鈔轉賣尤

當禁止兼元降指揮雖係東南鹽法其東北鹽事法一同合申明一體約束從之十六日中書省言勘會河北京東路自稅鹽改作鈔鹽後來入納等請浩瀚商旅通快逐路提舉官奉行有方詔提舉官端梁李謨康允之各轉一官屬官減二等三年磨勘職級支賜絹十疋手分七疋十一月十五日提舉荆湖南北路鹽香茶礬事司奏檢承尚書省劄子客販辰沅靖州武岡軍鹽已至本州軍如轉賣與溪洞人每斤依舊算價就本州軍貼納見錢四分算續承都省批指揮客人翻鹽入外縣寨鋪零細賣與出入徭人如係五斤以上自合貼納四分錢本司照對邵州廬陽縣管廬溪寨等即與武岡軍

等處事體一同竊慮客人販鹽已到逐處如轉賣與溪
洞人亦合依前項節次指揮貼納四分見錢批鑒元引
方前去權貨務勘當欲依本司所申外本務勘會先承
宣和二年十月九日御筆節文東南六略封樁舊鹽散
在州軍縣鎮十有餘年並無支用日近淮浙運河淺溢
商旅難以般取所有關鹽食用合得舊鹽措置取客人
情願與淮浙鹽倉鹽鈔對數筭請許客人從便貨賣自
降上件指揮後來客人筭請浩瀚緣當時淮南見支情
易場舊鹽並免貼納四分見錢其今未對筭到江南東
西荆湖南北舊鹽指往博易場興販比之淮南般運近
便本務遂權且申明內江東西令量貼納一分見錢湖

卷之九

九

南北量貼納二分見錢方得前去今來諸路舊鹽未算
數目不多兼淮南運河通快將來支絕舊鹽客販鹽貨
皆係鹽倉所支鹽若般入溪洞轉賣與蠻人自今依政
和二年五月五日元降指揮貼納施行詔依權貨務所
申 四年三月六日應奉司奏勘會諸路新鹽法令納
頭子等錢已撥充應奉司御前支用今契勘諸路賣鹽
布袋價錢除一半還客人外一半剩錢即未有許拘攔
指揮欲除合留本處支使外餘數依已降指揮並撥充
應奉司御前支用從之 二十二日提舉兩浙路鹽香
茶礬事李與權奏勘會捉獲私鹽如事狀明白依條當
日先以官錢代支充賞却於犯人及透漏地分等人各

下催納還官今相度除已有立定透漏地分與犯人均
備等指揮外所有承勘官吏用情計會給賞致追理不
足并官吏不竊盡行根括物產及不依公估賣情弊乞
嚴立法禁應獲私鹽承勘官吏同情計會給賞致追理
不足或官吏不切根括物產若不依公估賣罪輕者各
徒一年從之 二十九日提舉京東鹽香茶礬事司奏
勘會盜官倉鹽貨賣已有朝旨並依亭戶私賣法外其
知情收買并偷盜非販之人即未有該載漸罪明文詔
依有私鹽之法 五月十四日兩浙鹽香司奏承敕諸
路客販茶鹽各有措置就緒課額增羨提舉官各與轉
一官仍令逐路茶鹽司具合轉官人職位姓名申尚書

省本司契勘提舉官奉議郎李與權又河東鹽香司狀
本司提舉官係朝奉大夫郭忠孝詔郭忠孝可朝散大
夫李與權可承議郎 六月二十三日權貨務奏伏見
南北二鹽私煎盜販侵害課額難以禁止蓋緣內外米
斛價例比舊增添數倍其亭戶所輸鹽貨價例抵小畧
贍不足是以抵冒重法將鹽私賣滋長盜販古有斗米
斤鹽之說熙豐以前每碩米價不過六七百是時鹽價
每斤六七十今來價每碩二貫五至三貫而鹽價依舊
六十實所未諭況崇寧年曾定鹽價買鈔折算每斤酌
中者四十足今每斤二十七文足所虧官鈔稍多欲將
見今鹽價每袋作一十貫文入納却將亭戶所輸官鹽

並行增價庶幾養贍得足私鹽盜販自然畏法客販通行無所防阻并據提舉淮南等路鹽事朱百藥等狀管下買納鹽場見買亭戶鹽價比年以來柴米價貴亭戶所得本錢委是累費不著即今客旅販請浩瀚廣要鹽貨打袋應副支遣若不量添價錢買納慮恐虧失課額奉御筆權貨務及諸路鹽事司奏諸州鹽場價小亭戶不易乞增買鹽價錢却於算請價上量行增添接濟亭戶以廣客販杜絕私賣可依所乞 同日詔東南東北鹽每袋三百斤納錢一十三貫算請所有客人鋪戶見有舊鹽係用舊價算請仰自今降指揮到日並行住賣特免抄劄限十日經所在具數日陳州縣置簿記錄數

目並依新價每袋令隨處州縣貼納錢三貫仍用新鈔
鹽每袋帶賣一袋收到錢隨處封樁不得支用每季令
提舉鹽事司類聚申尚書省仍報樞貨務 八月七日
中書省尚書省言勘會東南東北鹽貨買納支發全藉
倉場鹽官等其間有年幼庸懦癯老疾病及不可倚辦
之人詔食路提舉鹽事司考察詣實令罷任不理遺闕
別踏逐有風力能幹辦官具名申尚書省差填一次其
所差官仍令先次赴任管幹理在任月日 十月三十
日詔鹽課是國裕民之大計講求措置法令完具近者
親製綱條補其未盡以邸亭戶便商賈纖悉曲當守以
大信永無更改尚慮懷姦私販不戢有害客旅令樞貨

務及諸路鹽事司檢坐條令曉諭 五年二月三日詔

東南東北客鹽大法既定其餘應干條約纖悉備盡近
歲入納浩瀚財計所仰秋毫亦永無改易訪聞日近姦
人撰造或妄稱朝廷遣官奉使陝西欲推行解鹽舊法
或妄稱東南復行轉般鹽法或有更改契勘遣使陝西
係會計財用及點檢見今通行解鹽地分解鹽虧價興
復轉般止是措置綱運於鹽法並不相干預顯屬撰造
扇惑商賈仰惟貨務檢會累降告捕扇搖鹽法罪賞出
榜告諭尚書省劄下諸路鹽事司通行曉諭並令安心
入納興販如能告捕撰造扇搖等人依累降處分斷罪
推賞外白身人特與補保義即有官資人特與更轉兩

官資以示大信今係親筆處分如奉行減裂不虔並以
違御筆論 四月八日詔去歲措置新價銀鈔務濟亭
戶以便商賈條畫約束悉已備盡自冬及春權貨務東
南鹽錢入納未廣牒訪詢究有隨事合行補蓋事件理
當措置以廣客販可依下項疾速施行一自今降指揮
到日客人入納筭請東南鹽鈔可將權貨務合納頭子
市例椿管工墨雇人錢并鹽倉別給吏祿等錢袋息油
臘封頭錢並特與減免仰權貨務於鈔上分明用印號
聲說所有合收椿管工墨雇人錢令本務却於正鹽錢
內據合收錢數撥還其鹽倉合支使錢令鹽事司應管
本司錢通融應副庶省客人盤費一鹽倉用新鈔對帶

舊監舊鈔兩浙已降指揮令揭往溫台州請監淮南許
揭往京東密州支請又各有增饒監數事屬優潤訪聞
遂州自承上件指揮全不勸誘前去致使順便監倉積
壓擁併支撥不起有妨全用新鈔客人請監可自今降
指揮到日已未投下未支新鈔已帶賣舊監并對帶舊
鈔之人內淮南者並令揭往京東路密州或本路海州
支請兩浙令揭往溫台州請監仍每州除全用新鈔外
日支所帶新舊文鈔共不得過一千五百貫更不加饒
庶新鈔各無妨闕餘依見行條法 五月十五日詔客
販鈔監累降處分責以遵奉成憲禁戢私販矯虔之吏
懷姦害政視為空文致商賈沮抑中都入納不廣及住

賣州縣緣比較法廢慢吏玩習苟簡招來商賈理索欠
負漫不留意令諸路提舉官比較州縣住賣增虧申尚
書省賞罰該課國計所賢今來明示勸阻務在必行仰
諸路提舉監事官嚴切遵依施行如違以大不恭論
十八日詔客販鈔監令諸路提舉官比較州縣住賣增
虧申尚書省賞罰可依知通當職官句管令丞年終招
誘住賣監比額十分為率增一分以上減半年磨勘三
分以上減一年磨勘五分以上減二年磨勘七分以上
減三年磨勘一倍以上轉一官兩倍以上取旨優與轉
官陞擢虧一釐以上展二年磨勘一分以上展三年磨
勘三分以上降一官五分以上差替六分以上衡

替七分以上取旨重行停廢 十二月十三日尚書省
言管勾濱州鹽事王據奏檢會宣和五年五月十八日
詔客販欵鹽令諸路提舉官比較州縣住賣增虧申尚
書省賞罰勘會逐州知通其間有轉至正官及帶職人
若止依上件條格賞罰竊慮不足懲勸詔今後比較住
賣賞罰內礙止法人若合轉官於係中大夫以上若合
減年並許回授本家本色有服親合展今年並降一官
內帶職人該差替以上取旨降職 十四日中書省尚
書省言提舉權貨務魏伯弼劄子檢準朝旨見任及停
閑命官有蔭子弟得解舉人與本州縣公人之家並不
得作鋪戶與客人用欵請鹽及自用欵請鹽販賣或將

停塌鹽鈔轉買違者徒二年賞錢一百貫等今來命官
與得解舉人之家并有陰子弟各係久曾興販鈔鹽
願依舊興販及開鋪賣鹽欲聽從便於鹽法有犯即依
進納人例不用陰贖所有得解舉人若使令家人或幹
當人以用錢本一面興販亦乞聽許其舉人本身即依
元降指揮不得干預又契勘曾充本州縣公人之家於
不曾充役處別州縣開鋪筭請興販之類已奉朝旨聽
許其本州縣應罷役公人之家如充役之人身死十五
年之上自後更不曾有人充本州縣公人合依舊開鋪
同販鹽今欲曾充本州縣典書副典書之類應掌管行
遣文案簿書之家依準前項指揮所是曾充手力弓手

斛子保正長之類如罷役已及十年後來本家別無充役之人亦乞許於本州縣開鋪筭請興販從之六年正月二十八日提舉權貨務魏伯芻奏今後應弓兵等解到私鹽如合赴鹽場送納即封記本州差人押赴送場不得令元解人送納仍分明出榜曉示巡捕弓兵知委權貨務供到宣和五年三月提舉兩浙鹽香茶礬事李與權劄子今體訪得巡捕弓兵保正長等凡有告捕獲私鹽依法解赴本州推治其承勘官司多是沮抑告捕之人或與犯人一例收禁等今相度今後巡捕弓兵保正長等告捕獲私鹽並令所轄官畫時將鹽對告捕人及犯人依公秤見實數別行差人解押赴州推治若

承勘官司有合追徵事節即行下所轄官勒令供狀回報如輒敢勾追拘留告捕人並乞嚴立斷罪刑名詔依如輒敢勾追拘留告捕人者杖一百尚書省勘會弓手兵級捉到私鹽自雇脚乘般解赴本州又令般赴鹽場送納并季興權起請指揮未有諸路依此明文緣皆係拘繫捕人理宜一體詔依已降指揮施行諸路準此三月一日中書省尚書省言勘會客販鈔鹽昨降詔處分河北京東奉行有方及自去年冬至今客人入綱東北鹽錢數增羨蓋是逐路提舉提刑官屏禁私煎盜販嚴密致客販入綱多數詔京東東西河北東西路提舉鹽事官各轉一官京東東西河北東西路提刑官各減

三年磨勘仍令逐司開具合推賞人職位姓名申尚書
省今後提舉鹽事官招誘客販通快提刑司禁戢私鹽
靜盡並依推恩仍行下諸路鹽香提刑司照會以示激
勸 二日尚書省言權貨物狀提舉兩浙路鹽香茶礬
事李弼孺劄子契勘諸州縣招誘客人般販住賣鹽課
自來多是歲初漫不留意直至歲暮方始施行招誘致
鹽貨壅塞出賣不行今相度州縣當職官如遇歲月內
替罷若零日合管認住賣課未足除新官一面赴上外
其舊官令本州拘留補起所虧額仍今後當職官替移
令本州取索印紙批上任內鹽課委無虧欠方行離任
權攝去處亦乞依此施行本務檢准提舉河東路鹽事

司申乞將一季賣鹽額數均攤在三個月比較如得允
當將諸州軍似此去處依此施行詔諸路依此勘會州
縣當職官時暫差權雖管司一季以下更不比較賞罰
緣有上件逐月攤定課額指揮若有似此弛慢不職之
人月終比較大段虧欠欲令具事因申取朝廷指揮詔
依權貨務勘當到事理施行十日權貨務奏提舉兩
浙路鹽香茶筴事李弼孺奏今後稅務官透漏魚鱗之
類影帶私鹽並依巡捕官^司格科罪若不經過稅務自
合巡尉覺察從之四月五日詔提舉鹽香官京東路
馮晉京畿京西路程昌弼特除直秘閣河北西路裴億
河東路呂伸各轉一官以課息增羨也十一月二十

七日尚書省言提舉榷貨務魏伯留奏勘會兩浙塩事
舊係作一路差官提舉緣州軍數多地里闊遠蒙朝廷
分東西兩路各行置司差官管勾逐路並是產塩地分
未分路以前客人投下塩鈔兩路并許互相審改請塩
以便臨時興販自分路後來逐路並不令客人改審丈
鈔雖承朝旨行下自合聽從客便竊恐兩路各爭課額
終是阻節客鈔今相度欲自宣和七年為始兩浙東西
路每歲支撥住賣比較課額兩路提舉官並通融管勾
比較其餘巡歷按察等事自依分定州軍管勾庶使塩
法兩路協同課額增羨從之 七年二月六日詔曰崇
寧初罷官賣塩以利天下立法修令走商賈於道路惠

題
作
題

及百姓行之二十餘年客人有倍稱之息小民無抑配之害至於億萬之利比歲姦計之吏歟目前之小効失朝廷之大信變法易度立多寡之額逼脅州縣分配民戶嚴比較之利厚賞重罰催科督責急於星火山州僻縣鹽袋積壓動以千計百姓以安平無事之時有愁嘆抑配之苦至棄產流徙遂轉而為盜莫之能禁甚可憫也立法不良以至於此比詔有司檢循舊制罷額數絕比較寬其禁令弛其罪賞以便商人使趨利樂輸比屋無朝夕剋剝之患州縣無避罪幸賞之心德意仁澤庶乎廣矣可見今官吏並罷盡禁舊監改復新鈔務要寬恤商賈慰安小民阜通財貨即非改法補完舊制而已

可依條具疾速施行 七日尚書首言提舉權貨務吳
紘等奏勘會見遵奉御筆每新鈔一十袋許帶舊鹽一
袋更不批割使客人自為封號免致煩擾德澤寬厚尚
慮不畏公法之人不候請算新鈔便行出賣舊鹽有害
良法應不用新鈔輒賣舊鹽並許諸邑人告依私鹽法
斷罪給賞施行從之 十日詔應客人般載見錢赴權
貨務算請鹽貨并般販鹽往汾沁州縣貨賣其所雇客
船官司不得一例拘載 同日詔昨緣妄行改革鹽法
立賣格招其辜建故較多寡以遷秩嚴法罪其虧損故
重抑配以逃責至計口以敷及嬰孩廣數以下逮駝畜
使良民受弊比屋愁嘆為之憫然親降詔旨悉從初令

寬其禁弛其苛以走商人利百姓使天下無抑配之害
得安田間尚慮有司徇習前弊其令三省申嚴近制遵
用新法悉禁舊鹽改奉新鈔毋或封記不嚴尚慮隱匿
舊貨違者並取^以違御筆論流之海島可應諸州管勾鹽
事官吏並罷其提舉官別選能吏施行 二十日都省
言檢會奉御筆比罷立額比較法以寬惠百姓尚慮民
戶積下舊鹽滙^堪不勸令客販新貨將遍諸路新舊相
妨其舊鹽可並行毀棄不得存留鉢兩守令親臨監視
毀棄訖具數聞奏勸會今降指揮止為民戶舊鹽其客
人帶賣舊鹽自合依元降御筆指揮依舊帶賣竊慮疑
惑合申明行下從之 三月十三日中書省尚書省言

提轄權貨務李適等奏勘會東南東北舊鹽已降朝旨
許客人赴所在寄放自為封號每新鈔一十袋許帶舊
鹽一袋若不用新鈔輒賣舊鹽並許諸色人告依私鹽
法斷罪給賞竊詳元降指揮更不批剗令客人自為封
號免致煩擾尚慮客人冒法不候請買新引輒敢出賣
除依已降朝旨許諸色人告外亦許寄放之處諸色人
陳告免罪給賞從之 同日尚書省言提轄權貨務李
適等奏檢會宣和七年三月二日尚書省言契勘河北
路濱滄州鹽倉并鹽場見管人夫多是在倉場別作名
目役使或募會織造并工匠等人上下占破致逐處關
人役使奉聖旨應輒他用或私役計庸以自盜論其餘

路分鹽倉并鹽場似此去處並令遵依詔從之 同日
尚書省言契勘東南六路商賈皆欲前來興販鈔書緣
以錢物重大畏涉江淮艱於搬運若買物貨又於買膏
處動經歲月盤費浩潯是致巨商大賈未見眾多今欲
乞許諸路客人呂壯保出長引從本州本縣齎帶到金
銀前來都下當官驗號及元封斤重給付客人從便貨
賣見錢入中鹽鈔仍免公路商稅其公路不得阻節乞
行立法詔依公路官司輒敢阻節者徒二年 三月十
八日尚書省言宣和四年五月二十一日朝旨客弄溫
州鹽每十袋增給一袋宣和四年十月二十一日朝旨
客弄明州鹽每十袋增給一袋宣和六年三月十日朝

旨客筭台州鹽每十袋加饒兩袋宣和六年十一月二十五日朝旨客筭越州鹽每二十袋加饒一袋宣和六年十一月二十五日朝旨客筭海州鹽免納一半磨費錢願二十袋加饒一袋者聽却令納磨費錢詔並合罷二十九日尚書言勘會鹽法自奉行減價新法許行帶賣後來東北鹽至三月十七日計三十八日共帶賣過舊鹽一萬一千九百三十三袋今新鹽未到之間且只以郛城裏外每月食用大約不下二百餘袋三十八日亦用七千二百餘袋况畿內一十七縣并諸鎮邑兼東北鹽合行州軍皆在其內若以此比度即大段虧少顯見奉行官司減裂客縱私拆鹽盜賣兼東南六路又

新
不
見

更遑速必見奉行不嚴及官司公吏因緣乞取亦無禁
約檢會宣和七年二月十日御筆遵用新書悉禁舊鹽
改奉新鈔毋或封記不嚴尚容私匿舊貨違者並以違
御筆論流之海島今來諸路州軍縣鎮等處若有奉行
減裂及公吏受乞客人錢物致客人不用新鈔盜賣舊
鹽並合依上件已降御筆科罪詔申明行下 四月三
日尚書省言權貨務奏今來客人所齎算買鹽鈔金銀
除合遵依令降指揮外所有合行約束事件欲乞並依
般載見錢法施行從之 五月八日詔東南東北鹽法
見令客人鋪戶每買新鈔一本一十袋許帶賣舊鹽一
袋訪聞中下商旅錢本不多以此占壓端居束手不能

回運徒有糜費法本以通商賈資國計今若物貨滯留
賣販折閱良有未便可自今客人鋪戶每買新鈔所帶
舊鹽與增作三袋以示寬恤商賈之意 二十三日中
書省尚書省有言推貨務劉子契勘客人般載見錢金銀
赴務筭請鹽鈔依法經所屬給據免公路力勝稅錢除
程外各有立定行使日限其客人若阻風雨緣故之類
即未有許除豁日月明文令相度欲乞如有似此緣故
即具事因經所屬陳狀限一日於所給公據上批鑿日
數赴務照會如違限乞朝廷立法詔依批鑿違限杖一
百 二十七日詔客人鋪戶用船請販鹽貨及運載買
鈔錢物上京筭請自來已有立定許不依次序攙先行

運及令先次放行入門指揮並管綱官員座船等非理
邀攔阻節亦有斷罪條約訪問日近客人運載買鈔錢
物所在各以綱運占壓邀阻取覓竊慮官司失於檢察
致妨客人入綱仰檢坐逐件已降指揮申明施行如有
違犯並許客人等越訴仍令提舉茶鹽公事官常切往
來覺察催促無致沮害客人等請如違以大不恭論
六月二十四日尚書省言勘會諸路合帶賣舊鹽雖有
指揮官為收掌不得私賣訪聞所在官司往往廢職並
不檢察止令一面帶賣不無過數致妨客販新鹽欲令
諸路提舉茶鹽公事司限指揮到日即時遍下州縣將
見今未曾賣新鈔帶賣舊鹽盡行抄劄見數官為封印

體
在
等

書
不
盡

籍記責令見塚鹽店戶等專切有管遇有合帶鹽數即
照驗文引令依數帶責如敢容縱私賣及帶賣數即與
犯人一體科罪其當職官失行檢察亦當重行黜責從
之 七月一日都省言權貨務狀勘會客人塚放舊鹽
已降指揮拊見今未書買新鈔帶賣舊鹽盡行抄剗見
數官為封印籍記若不專一委官竊慮奉行減裂欲乞
朝廷特賜指揮在京令開封府專委曹官在外州委通
判縣委令佐管勾如抄剗不盡不實亦乞朝廷重立約
束施行其抄剗舊鹽仍令所委官具數徑報本務照會
詔依招剗不實不盡一袋杖一百每袋加一等罪止徒
三年 四日尚書省言權貨務言勘會近降御筆指揮

各在合

東北鹽鈔舊價兩貫筭請應以新鈔請鹽更不立資次
止以鈔先到者先支自行新價文鈔後來客人擁併筭
請前去全藉所屬州軍支發別無阻遏方得客販通流
今欲乞令諸路提舉茶鹽公事候至今歲終取索管下
所屬州軍自行新價文鈔後來各支發過鹽若干比去
年一般月日各增虧若干分數逐一開具保明報務候
到從本務將增虧甚者三兩處并提舉官申乞朝廷特
賜賞罰施行從之 八月二十五日講議司奏東南私
鹽盛行妨阻客販今欲令諸路提舉鹽事并提刑司因
出巡所至取索州縣行遣私鹽公事簿書公案檢察斷
理賞罰有無不當如有減裂逐一按治并捕盜官捉獲

及透漏合該賞罰疾速依格按劾保明從之 欽宗靖
康元年正月一日詔國家承平日久二稅之外一無所
橫斂惟是鹽法昔為豪猾專利故講求定國裕民之政
修立欽法行之已久比年以來其效益著邇者數下詔
令盡蠲害民之事竊慮姦人乘勢邀利輒敢扇搖言有
改革致商賈疑惑仰樵貨務遵所成法斷無更易仍令
檢坐扇搖罪賞曉諭及通行下諸路茶鹽司 三月二
十八日詔客人願赴樵貨務入中米斛折筭鹽欽者聽
仍以樵貨務日收鹽鈔十分中折筭不得過三分 四
月二十八日詔東南鹽貨與東北鹽所行路分素不相
干合依見行法外今來止是分定東北與解鹽地分並

為定法尚慮商販疑惑令尚書省揭榜曉諭

五月十

八日尚書省言朝廷興復陝西解鹽鈔已令推貨務過數格給鈔本遇客人投錢畫時支給所有未降新鈔以前逐路給降過見錢公據文鈔亦乞措置支還商賈以示大信詔未支見錢公據文鈔令推貨務支還九月二十三日尚書戶部侍郎兼提舉權貨務并措置鈔法陳知質言朝廷近已給降新法解鹽文鈔四百萬貫付陝西路糴買糧草其鈔依銅錢行使即與以前積年舊鈔輕重不同兼宣和七年正月已前諸色舊鈔價例至賤官中不勘行使除已支在民間者依已降指揮支還外有在官未支用者欲並令毀抹其七年後來給降香

藥并見錢鈔除已支在民間者亦依已降指揮支還外
有在官未支用者欲乞令陝西都轉運司行下所屬截
日更不得行使據見在鈔盡數繳申尚書省從之以
上續國朝會要高宗建炎元年十一月二十一日戶部
尚書黃潛厚言東京係東北鹽地分邇來客販稀少使
民闕食契勘淮鹽地分最近道路通快雖兩界鹽不許
相侵若客人願販淮鹽入東北鹽地分相兼貨賣者聽
每袋加納借路錢詔令每袋借路錢二貫候客販末鹽
稍通日依舊 建炎元年六月十六日敕令淮浙鹽倉
并見在日後納下鹽貨並以十分為率內撥五分支真
州鈔五分支在京鈔其每日所支鹽在京鈔雖多不得

過日下合支真州之數七月六日敕若鹽倉有客人同
日算請真州并在京鈔即合遵依各支五分指揮如或
其日無真州鈔只有在京鈔算請之客自合不限分數
算請京鈔二年五月十一日曲赦勘會陝西路既遭
兵火方闕鹽貨近許煎煉鹽地若官司權賣深慮竈戶
得息微薄而軍民皆食貴鹽可令通商官司止收稅錢
給帖付客旅就竈戶買鹽官司檢察鹽袋斤重出給文
引合行事件仰漕司體祖宗以來條例施行條具以聞
先是熙秦岷鞏階蘭會州雖各產鹽不許販出本州
縣界同華耀州京兆府綏德軍亦有鹽地一切禁止其
後解鹽不通本路漕臣乞權募人以鹽地煎煉中賣入

官搭息許人於永興軍入納筭請詔令優給竈戶之直而官賣收息不得過三分猶慮有司未能如法故曲赦及之九月七日詔東南鹽倉未支鹽鈔數多留滯客人權許就鹽場依自來資次支請仍限半年依舊令遷州鹽倉官前去就場支發其鹽場多處如州倉官不足令本州選官貼差兵部尚書盧益奏諸州鹽倉官吏役夫無慮百餘人廩給之費不知其幾何也出納之際上下邀阻待賄而行每一倉數網一網官吏與夫兵稍之費又不知其幾何也公路偷盜罪賞至嚴猶不能禁蓋利之所在冒法貪得雖死而不顧亦小人之常情也至於般發稽留支請不繼客人積壓資次動至數月賦

此之由前日建議者謂就場支鹽多有搭帶故逐州置倉以防私予之弊竊恐其弊今在諸場而又在諸倉也今欲盡罷諸倉依舊就場支給更添支鹽官一員選士人以充使隔手支散又戶部尚書呂頤浩奏諸路產鹽場自來買納支發並為一處昨於政和年間因人建議關防搭帶欺弊將買納支條分而為二遂創置州倉及添差鹽官并押袋官仍打造舟船招置兵稍費用不貲自買納般運入州倉然後支與客人所有般運一事最為勞擾仍更造緩官船不足又須和雇拘占民船搔擾不一兼兵稍公路侵盜復雜以偽濫之物拌和送納無由檢察為害不細其東北鹽已准朝旨並就鹽場買納

支發淮浙鹽倉欲乞依東北鹽已得指揮並就鹽場買
納支發依舊分為兩處於押鹽袋官內每處各差一員
就場隔手支發故有是命 十月十八日同提領措置
行在茶鹽徐公裕言伏見諸路茶鹽司累奉聖旨鹽本
錢除朝廷臨時指定許支外並不得與諸色封樁錢一
例支使雖奉特旨亦許執奏不行竊聞朝廷近緣淮浙
江南起發軍民弓兵有合支錢糧遂降指揮許於諸司
錢物內不以有無拘礙與免執奏畫時支給諸路轉運
司於是遂將鹽本錢先次樁管支撥幾盡何緣更有鹽
貨應副客旅筭請其於鈔法所害大矣欲望今後鹽本
錢雖有特旨取撥與免執奏指揮並許茶鹽司執奏不

行如敢改違其取與官司乞並賜重行黜責戶部檢會
政和三年宣和二年累有指揮茶鹽錢不許支撥雖奉
特旨許執奏不行詔檢坐逐次指揮中嚴行下其取與
官司令提舉茶鹽司奏劾 十二月二十四日提舉淮
南東路茶鹽司言就場支撥客鈔鹽依依舊用袋給受
其袋法前後所降朝旨與未置州倉已前降法多有不
同除已遵依令降指揮參照如與袋法所降指揮不相
妨者遵奉施行外若有相妨即依袋法已降指揮從之
三年三月四日行在樞貨務言商賈鈔鹽所止州縣
所產處更不批鑿長引賣絕亦不依限繳納轉用徃復
興販私鹽之將隨鹽長引依茶引法逐州縣檢察放行

從之 十三日客販東南鹽不於經過州軍縣鎮批引
者杖一百許人告每袋賞錢二貫至一百貫止官司批
鑒無故留滯經日者杖一百一日加一等罪止徒二年
閏八月九日詔鹽場地分巡檢下土軍諸處不得抽
差如違及巡捕官擅行發遣並徒二年 十一月三日
德音訪聞川路鹽井有歲久井水耗淡煎鹽不成去處
人戶乞封閉井口緣州縣慮減損課額例不肯相驗封
閉人戶至有破產以此民間不敢告發新井若州縣不
憚相驗封閉即人戶告發必多公私兩便今逐路漕臣
躬親按視詳加體究如有抑勒人戶不肯封閉官吏奏
劾取旨施行 四年正月八日三省樞密院奏權戶部

若元仍

侍郎提舉權貨務都茶場高衡狀契勘從衛隆祐皇太后六宮已到虔州財用闕乏亟急權宜措置欲令權貨務檢照近降筭請廣鹽指揮依做見鈔法權行印給廣南鹽鈔二十萬貫就本務召人入納筭請前去本路支鹽從之二十九日戶部侍郎葉份言准鹽道路未通妨阻客販兩浙鹽貨數少積壓客鈔其福建鹽可以相兼補助浙鹽若許客人於行在權貨務買鈔請鹽許通入浙江荆湖路與販仍與認還買鹽本錢於鈔內指留前去即於福建路官般官賣各不相妨從之二月四日戶部侍郎葉份言准朝旨福建路罷官般官賣鹽許客人任便興販所有自來賣鹽息錢係轉運司經費令

本路轉運司提舉茶鹽司同共取索前五年所收的權
數目申取酌中一年數目却於鹽場所請鈔上指鹽留
息錢內撥還今乞建汀南劍州邵武軍上四州軍並依
上項指揮外福泉漳州興化軍下四州軍自來諸色人
於本處請買淹造食用等鹽及隨產鹽錢多少數買食
鹽欲且令依舊候客販通行申取朝廷指揮從之 同
日葉份又言契勘淮浙產鹽州軍見行給賣六十斤小
鈔引所請鹽不販出本州界今乞依此將客人等請福
建小鈔鹽量與加饒添作八十斤計納錢二貫六百文
等請仍令通本路州縣任便貨賣即不得出本路界所
貴公私兩便從之又得朝旨小袋通行本路大袋許販

及
存
又

入江浙荆湖路任便興販 五日詔福建路提舉茶鹽
司幹辦公事陳麟令於漳州直司依所乞改鑄新印及
量添吏額二人舊鹽亭戶納鹽每斤支四文五分於舊
價上增二文五分通計七文應受納鹽貨亭戶合支鹽
本並限當日支還 十九日尚書省言近緣淮鹽道路
不通諸色人自京師帶到鈔引前來兩浙請鹽致應副
不起內溫台州積壓鈔引數多有至三二年以後方當
支請鹽貨契勘廣南福建兩路鹽貨歲出浩漭已許通
商訪聞客人皆願弄請令相度應溫台州鹽倉不增支
鹽令出給公據揭取鈔引連黏付客人前來行在權貨
務換給廣南福建路鈔引每一百貫與支換廣南鹽鈔

六十貫福建鹽鈔四十貫內換福建鹽者今依見今則
例每袋貼納通貨錢三貫文願全換一路者聽從客便
從之 二十七日葉份言勘會淮浙產鹽縣分從來朝
廷差知縣兼監今來福州長樂縣嶺口倉福清縣海口
倉興化軍莆田縣涵頭倉並係產鹽縣分其逐縣知縣
亦合從朝廷選差兼監從之 四月十四日葉份言客
人投下鈔引許存留鹽鈔在鹽倉場理定資次給引付
客照會請鹽庶幾奉行一體可以革絕姦弊從之 二
十一日詔昨駐蹕温州以金人犯淮浙慮恐鹽場廢壞
遂行福建路鈔鹽法令來到越州淮浙鹽場並已興復
客人入納漸廣可以補助經費其福建路鈔鹽法更不

施行所有客人已筭請鈔引聽支發盡絕 其後紹興

八年十一月十日都省批下福建路提刑司提舉茶事

司申右朝散郎新權知筠州葉頌陳請福建鹽除見行
官般官賣外兼行小鈔出賣盡一送戶部看詳本部契
勘福建路每歲產鹽一千一百萬斤自祖宗以來並係
本路官般官賣元本路歲計支用昨緣賊馬占據淮南
淮鹽未通客販兩浙鹽數少荆湖民間闕鹽食用申降
到建炎四年正月二十九日朝旨權許客人於行在推
貨務筭請六十斤小鈔往漳泉福州興化軍鹽場請鹽
通入江浙荆湖路興販後來淮浙鹽場並已興復客人
入納漸廣承指揮福建路鈔鹽法並罷却依舊法官般

官賣見今歲認鈔鹽錢二十萬貫赴行在權貨務送納
今來業擬劄子所陳事理欲專委本路提刑提舉茶事
司看詳從長相度若小鈔與官賣兼行於見認鈔錢二
十萬貫外可以增收錢若干遂司曾委福州通判右朝
散郎趙壽及福清縣監海口鹽倉左文林郎方埴相度
施行今據逐官申到下項照對本路歲額產鹽一千一
百萬斤舊係官般官賣每年收鹽課錢四十餘萬貫轉
運司歲計支給官兵及上供起發昨自建炎四年承准
朝旨推行鈔法彼時官支本錢每斤六文小鈔每斤客
人納錢三十二文五分續以薪米價貴鹽本每斤增至
一十七文比建炎四年增價三倍後來罷行小鈔轉運

司歲認鈔錢二十萬貫餘留充鹽本及歲計支用今若從業擬申請兼行小鈔合於歲額鹽內各取其半謂如一半之數計五百五十萬斤從官出賣係建汀南劍州邵武軍差到衙前般運付逐州貨賣每斤及百文內除鹽本及船腳磨費之類及紐納合認轉運司鈔錢一十萬貫起發上件并逐州歲計之費外一半五百五十萬斤充小鈔鹽若依建炎四年每斤令客人納錢三十二文五分紐除鹽本並認納運司歲額外於官司所得全然不多若依申請於見認納錢外於官司更要增數須議添納鈔錢既官司推行鈔法須優加招誘任其增立高價則是利歸商旅官運自此出賣不行暗失歲計上

供補助官兵吏費不給民間愈食責鹽今來兩司將所
委官申到事理再行看詳若官般官賣更兼行小鈔實
於漕司歲計及上供等妨礙委非輕久刑鞭撻批十一
月十日送戶部依所申詳定施行 同日臣條言乞罷
四州權鹽權估以安遠民詔劇與張浚施行 六月三
十日詔輒將客人遺棄下鈔引詐妄官司吏並雖未得
徒二年鹽倉公吏知情批鑿保明者與同罪賞錢一百
貫許人告捉本法重者自從重鹽倉失覺察杖八十仍
先次施行 七月十五日詔淮浙鹽場買納亭戶監官
公吏大秤斤重罪輕者並徒一年許亭戶越訴即將大
秤到鹽安作亭戶吏請官並錢入已計贓以自盜論並

許人告捕實錢二百貫文提舉官常切檢察知而不舉
並監官知情與同罪不覺察者各杖一百